

C40-4514



大佛頂如來密因修證了義諸菩薩萬行首楞嚴經
要解卷第十六

唐天竺沙門般刺蜜譯

烏萇國沙門彌伽釋迦譯語

菩薩戒弟子前正議大夫同中書門下平

章事清河房融筆受

溫陵開元蓮寺比丘戒環解

△二如來開示二初讚許

佛告阿難快哉此問令諸衆生不入邪見汝今諦聽
當爲汝說

C40
4514
231-1

B 84853

1 2 3 4 5 6 7 8 9 180

1 2 3 4 5 6 7 8 9 160

1 2 3 4 5 6 7 8 9

△二正示四 一因妄生習二 一總標

阿難一切衆生實本真淨因彼妄見有妄習生因此分開內分外分

△二別明二 一內分積情

阿難內分卽是衆生分內因諸愛染發起妄情情積不休能生愛水是故衆生心憶珍羞口中水出心憶前人或憐或恨目中淚盈貪求財寶心發愛涎舉體光潤心着行姪男女二根自然流液

心動於內曰情故情爲內分情人之陰氣有欲者也故因諸愛染而起以陰積故能生愛水潤業潤

生輪廻不斷職皆由此
阿難諸愛雖別流結是同潤濕不升自然從墮此名
內分

諸愛不一皆能感水結惑故曰流結是同水性沉
下故情積之業多從淪墜

△二外分發想

阿難外分卽是衆生分外因諸渴仰發明虛想想積不休能生勝氣是故衆生心持禁戒舉身輕清心持呪印顧眄雄毅心欲生天夢想飛舉心存佛國聖境冥現事善知識自輕身命

意緣於外曰想故想爲外分想人之陽氣有異者也故因渴仰而發以陽積故能生勝氣如輕清雄毅等事皆勝氣也想能生勝而卵以想生者由染淨異也

阿難諸想雖別輕舉是同飛動不沉自然超越此名外分

諸想不一皆能輕清飛舉故曰輕舉是同以輕舉故多能超越

△二從習感業三 一標感變之時

阿難一切世間生死相續生從順習死從變流臨命

終時未捨煖觸一生善惡俱時頓現死逆生順二習相交

人之情習好生惡死以生爲順以死爲變逆順相交謂方死方生之間也一生善惡之業卽於是時隨其情想輕重而感變焉

△二辯感變之理五 一純想

純想卽飛必生天上若飛心中兼福兼慧及與淨願自然心開見十方佛一切淨土隨願往生若兼修福慧淨願則二習交時感變倍勝

△二情少想多

情少想多輕舉非遠卽爲飛仙大力鬼王飛行夜义地行羅刹遊於四天所去無礙

勝想不純少滯邪情故感此類
其中若有善願善心護持我法或護禁戒隨持戒人或護神呪隨持呪者或護禪定保綏法忍是等親住如來座下

雖滯情而有善願斯感善緣卽天龍八部類也

△三情想均等

情想均等不飛不墜生於人間想明斯聰情幽斯鈍

人有聰鈍其理如此

△四情多想少

情多想少流入橫生重爲毛群輕爲羽族

此六情四想也情多故淪變帶想故飛舉而重業不能但爲毛群橫生卽旁首者由行不正故七情三想沉下水輪生於火際受氣猛火身爲餓鬼常被焚燒水能害已無食無飲經百千劫俱舍說大地最下有金水風輪有八寒八熱地獄在三輪之上此文說沉下水火風輪又似地獄在三輪之下疑此所指非地下三輪乃地獄三輪也

言水輪火際卽寒獄第八也受氣猛火謂受火氣以爲身故常被火燒或得水飲亦化爲火故曰水能害已九情一想下洞火輪身入風火一交過地輕生有間重生無間二種地獄

情業愈滯故獄報愈沉下洞火輪卽八熱獄也入風火交過地謂超寒獄入熱獄也熱獄第八名五無間有間卽餘七也

△五純情

純情卽沉入阿鼻獄若沉心中有謗大乘毀佛禁戒

誑妄說法虛貪信施濫膺恭敬五逆十重更生十方阿鼻地獄

阿鼻此云無間謂受罪苦具身量劫數壽命五者皆無遮間名五無間獄此唯情業最重者墮入至劫壞乃出若兼謗大乘等罪則此劫雖壞更入十方阿鼻無有出期以謗法毀戒令無窮人墮邪見故

△三結所感以答

循造惡業雖則自招衆同分中兼有元地前問地獄爲有定處爲復自然故答純情以造雖

則自招同業所感不無定處元地者各隨元由也
△三從業分趣下從地獄上至非想文七一地
阿難此等皆是彼諸衆生自業所感造十習因受六
交報

前略明情想感變此詳明根境構造也十習本於
十惑以習成惡業六交因乎六根而交起惡報

△二總徵別明五一十習因十一姪習
云何十因阿難一者姪習交接發於相磨研磨不休
如是故有大猛火光於中發動如人以手自相摩觸
燒相現前二習相然故有鐵牀銅柱諸事

惡業起於情感而姪爲情感之最故前後皆首明
之十習之業皆先言所感之境次言所報之事姪
感火業由惑心熾盛相摩而發也故所感之境見
大猛火舒王曰姪習研摩不休自耗其精則火界
熾然於其生也尚有瘡渴內熱等疾則其死也見
大猛火宜矣能所交熾名二習相然故有鐵牀銅
柱之報乃應其習業也

是故十方一切如來色目行姪同名欲火苦薩見欲
如避火坑

如來爲導師故色目以警之菩薩爲行人故深怖
以避之色目猶詔目也

△二貪習

二者貪習交計發於相吸吸攬不止如是故有積寒
堅冰於中凍列如人以口吸縮風氣有冷觸生二習
相陵故有吒吒波波羅羅青赤白蓮寒冰等事

貪習感水由愛心計着吸取而發也吸積風爲寒
風結水爲冰故有積寒凍列之境吒吒寒冰之報
卽寒冰獄也俱舍云吒波羅等忍寒聲也青赤白
蓮寒冰色也

是故十方一切如來色目多求同名貪水菩薩見貪
如避瘴海

△三慢習

貪水能潤業滋惡瘴海能毒性沒身

三者慢習交陵發於相恃馳流不息如是故有騰逸
奔波積波爲水如人口舌自相綿味因而水發二習
相鼓故有血河灰河熱沙毒海融銅灌吞諸事是故
十方一切如來色目我慢名飲癡水菩薩見慢如避
巨溺

慢習驕逸由輕凌恃已而發以驕佚馳流故感騰

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

逸奔波之境積致惡毒故有血河灌吞之報慢能滋癡故如飲癡水能致深害故譬巨溺癡水西國

水名

△四瞋習

四者瞋習交衝發於相忤忤結不息心熱發火鑄氣爲金如是故有刀山鐵橛劍樹劍輪斧鉞鎗鋸如人銜冤殺氣飛動二習相擊故有宮割斬斫剉刺槌擊諸事是故十方一切如來色目瞋恚名利刀劍菩薩見瞋如避誅戮

心屬火氣屬金瞋者由心作氣而反動其心加之

衝擊抵忤則心火轉盛氣金轉剛故曰心熱發火鑄氣爲金也斷刑曰宮肉刑曰割

△五詐習

五者詐習交誘發於相調引起不住如是故有繩木絞校如水浸田草木生長二習相延故有杻械枷鎖鞭杖檣棒諸事是故十方一切如來色目姦偽同名讒賊苦薩見詐如畏豺狼

正者也
詐習依姦智起惡而漸滋蔓故如水浸田草木生長由調引相延故感繩木延引之事讒賊姦詐敗

△六誑習

六者誑習交欺發於相罔誑罔不止飛心造姦如是故有塵土屎尿穢汙不淨如塵隨風各無所見二習相加故有沒溺騰擲飛墜漂淪諸事是故十方一切如來色目欺誑同名劫殺菩薩見誑如踐蛇虺誑者以狂言欺人其志誑罔其心飛揚如風鼓塵使人無見故感塵土穢惡之境沒溺騰墜之報

△七寃習

七者寃習交嫌發於銜恨如是故有飛石投礮匣貯車檻甕盛囊撲如陰毒人懷抱畜惡二習相呑故有

投擲擒捉擊射拋撮諸事是故十方一切如來色目寃家名違害鬼菩薩見寃如飲鳩酒寃習含恨陰隱爲傷故如陰毒畜惡而感飛石囊撲之境投擲拋撮之報飛石投擲車匣牢柵皆陰隱事也

△八見習

八者見習交明如薩迦耶見戒禁取邪悟諸業發於違拒出生相反如是故有王使主吏證執文籍如行路人來往相見二習相交故有勘問權詐考訊推鞠察訪披究照明善惡童子手執文簿辭辯諸事是故

十方一切如來色目惡見同名見坑苦薩見諸處妄
偏執如臨毒壑

見習有五一薩迦耶此云身見謂執身有我種種
計着二邊見於一切法執斷執常三邪見邪悟錯
解撥無因果四見取非果計果如以非想爲涅槃
之類五戒禁取非因計因如持狗戒爲生天因之
類此五總名惡見順邪反正故云發於違反出生
相反由其違反故感王吏證執之境權詐推鞠之
報路人相見一去一廻喻所見違反也是五惡見
能陷法身故名見坑能致業苦故名毒壑行人當

疾滅之

△九枉習

九者枉習交加發於誣謗如是故有合山合石碾磑
耕磨如讒賊人逼枉良善二習相排故有押捺槌按
蹙漉衡度諸事是故十方一切如來色目怨謗同名

讒虎菩薩見枉如遭霹靂

於不宜曲而曲之曰枉枉非眞情由誣謗發逼壓
於人故感報如之排擠挫也押捺亦其義也漉瀝
也衡橫也謂迫蹙其體瀝漉其血又於迫隘苦具
橫衝而度所謂下透掛網倒懸其頭者皆衡度類

也讒能傷人故名讒虎以可驚懾故喻霹靂

△十訟習

十者訟習交誼發於藏覆如是故有鑑見照燭如於日中不能藏影二習相陳故有惡友業鏡火珠披露宿業對驗諸事是故十方一切如來色目覆藏同名陰賊菩薩觀覆如戴高山履於巨海

訟非官訟公發其覆之謂也此正覆習也此覆彼訟曰交喧故感鑒見照燭之境惡友對驗之報陰賊藏覆發則自害覆罪適足自壓自墜故如戴山履海也十習發於十惑通根本而兼隨隨煩惱二

十初曰忿恨惱覆誑諂害今詐習卽諂也冤卽恨也枉卽害也訟卽覆也略例而已

△二六交報二 一總標

云何六報阿難一切衆生六識造業所招惡報從六根出

從識造業從根顯報業報相會謂之交

△二別明六 一見報二 一依根感報

云何惡報從六根出一者見報招引惡果此見業交則臨終時先見猛火滿十方界亾者神識飛墜乘煙入無間獄發明二相一者明見則能徧見種種惡物

生無量畏二者暗見寂然不見生無量恐

見覺屬火故感猛火畏見於境恐藏於心六爻皆直入無間者就重言耳成論云極善極惡皆無中陰所以直入

△二隨根轉變

如是見火燒聽能爲鑊湯洋銅燒息能爲黑煙紫燄燒味能爲焦丸鐵糜燒觸能爲熱灰鑪炭燒心能生星火逆灑煽鼓空界

聞聽屬水故燒聽能爲鑊湯洋銅鼻艱主氣故燒息能爲黑煙紫燄舌主味丸糜味類也身主觸灰

炭觸類也心正屬火燒之轉熾故逆灑煽鼓

△二聞報二 一依根感業

二者聞報招引惡果此聞業交則臨終時先見波濤沒溺天地亾者神識降注乘流入無間獄發明二相一者開聽聽種種閻精神慘亂二者閉聽寂無所聞幽魄沉沒

聞聽屬水故觀聽旋復則水不能溺依之造業則能感波濤開閉猶通塞也慄昏也

△二隨根轉變

如是聞波注聞則能爲責爲詰注見則能爲雷爲吼

爲惡毒氣注息則能爲雨爲霧洒諸毒蟲周滿身體
注味則能爲膿爲血種種雜穢注觸則能爲畜爲鬼
爲糞爲尿注意則能爲電爲雹摧碎心魄

注聞發聲故爲責罪詰情之事注見能爲雷吼者
聞波爲陰見火爲陽陰陽相薄而成雷故也注息
爲雨霧水隨氣變也注味爲膿血水隨味變也注
觸爲畜鬼水隨形變也注意爲電雹意出於心水
火交感也一切物理莫不因五行乘陰陽以變化
故此隨根轉變之事皆不出此

△三艱報二 一依根感業

三者艱報招引惡果此艱業交則臨終時先見毒氣
充塞遠近亾者神識從地踊出入無間獄發明二相
一者通聞被諸惡氣熏極心擾二者塞聞氣掩不通
悶絕於地

因貪惡香作種種業果感毒氣成種種報

△二隨根轉變

如是艱氣衝息則能爲質爲履衝見則能爲火爲炬
衝聽則能爲沒爲溺爲洋爲沸衝味則能爲餒爲啖
衝觸則能爲綻爲爛爲大肉山有百千眼無量噃食
衝思則能爲灰爲瘴爲飛砂礮擊碎身體

1 2 3 4 5 6 7 8 9 180

1 2 3 4 5 6 7 8 9 160

1 2 3 4 5 6 7 8 9

質礙也履通也艱業所依不離通塞故衝息能爲質履也衝見爲火炬衝聽爲沒溺洋沸則見覺屬火聞聽屬水明矣飢餒乖爽由味隨氣變也綻拆爛壞由體隨氣變也衝思爲灰砂依土感也

△四味報二 一依根感業

四者味報招引惡果此味業交則臨終時先見鐵網猛燄熾烈周覆世界亾者神識下透掛網倒懸其頭入無間獄發明二相一者吸氣結成寒冰凍裂身肉二者吐氣飛爲猛火燒爛骨髓

舌根屬心發語因人貪味網物故感鐵網熾烈周

覆舌業所依不離吸吐吸氣爲寒吐氣爲熱蓋常理也

△二隨根轉變

如是嘗味歷嘗則能爲承爲忍歷見則能爲燄金石歷聽則能爲利兵刃歷息則能爲大鐵籠彌覆國土歷觸則能爲弓爲箭爲弩爲射歷思則能爲飛熱鐵從空雨下

舌歛生命使彼承忍故歷嘗發苦使已承忍依見貪味故能爲燃金石依聽發惡故能爲利兵刃依艱恣貪籠取群味故能爲大鐵籠觸味傷物故感

弓箭以自傷緣味思物故感飛鐵以充味

△五觸報二 一依根感業

五者觸報招引惡果此觸業交則臨終時先見大山四面來合無復出路亾者神識見大鐵城火蛇火狗虎狼師子牛頭獄卒馬頭羅刹手執鎗稍驅入城門向無間獄發明二相一者合觸合山逼體骨肉血潰二者離觸刀劍觸身心肝腎裂

身業多受惡觸多起惡觸故報招大山來合及鐵城火狗等皆惡觸雜感也觸業所依不出離合破裂卽離相也

△二隨根轉變

如是合觸歷觸則能爲道爲觀爲廳爲案歷見則能爲燒爲爇歷聽則能爲撞爲擊爲刺爲射歷息則能爲括爲袋爲考爲縛歷嘗則能爲耕爲鉗爲斬爲截歷思則能爲墜爲飛爲煎爲炙

道趣獄路也觀獄王門闕兩觀也廳案治罪之處皆身觸所依也燒爇見觸也撞擊聞觸也括袋息觸也耕鉗舌觸也飛墜思觸也刺射考縛則相因旁舉尔刺挿刃於肉也括袋所以收氣也思業飄蕩故感飛墜之事

△六思報二 一依根感業

六者思報招引惡果此思業交則臨終時先見惡風吹壞國土亾者神識被吹上空旋落乘風墮無間獄發明二相一者不覺迷極則荒奔走不息二者不迷覺知則苦無量煎燒痛深難忍

思屬上而飄蕩故見惡風吹壞國土等事思業所依不出迷覺荒奔迷思也知苦覺思也

△二隨根轉變

如是邪思結思則能爲方爲所結見則能爲鑒爲證結聽則能爲大合石爲冰爲霜爲土爲霧結息則能

爲大火車火船火檻結嘗則能爲大呴喚爲悔爲泣結觸則能爲大爲小爲一日中萬生萬死爲偃爲仰思必有所故結思則爲受罪方所見能鑒證故結見則爲證罪人事結聽能爲大合石等水土交感也車船檻乃息氣乘亂思所變也嘗卽舌根聲所自發也大小已下皆言其身乃觸業乘亂思所變也

△三結由妄造

阿難是名地獄十因六果皆是衆生迷妄所造

△四詳明輕重五人一極重

安撫量苦滅無量

若諸衆生惡業同造入阿鼻獄受無量苦經無量劫
同於六根具造十因兼境兼根名惡業同造其罪
極重故入阿鼻具五無間

△二次重

六根各造及彼所作兼境兼根是人則入八無間獄
各造則有先後間歇爲次重故入八無間卽八熱
獄也有心而不及犯則不兼境無心而悞犯則不
兼根故作特犯兼二矣

△三又次

身口意殺盜姦乃重罪以不遍六不具十故又次
前也大獄只有八寒八熱而經有十八鬲子地獄
及八萬四千眷屬等獄皆大獄所分

△四稍輕

三業不兼中間或爲一殺一盜是人則入三十六地

三業不兼謂具二闕一也

△五次輕

見見一根單犯一業是人則入一百八地獄
上具二闕一此犯一闕二故又輕也見音現明然

不兼也

△五結答所問

由是衆生別作別造於世界中入同分地妄想發生
非本來有

別作同分者如別造極重而同入阿鼻別造次輕
而同入百八是也

△二鬼趣三 一標緣起

復次阿難是諸衆生非破律儀犯菩薩戒毀佛涅槃
諸餘雜業歷劫燒然後還罪畢受諸鬼形
非破律儀無正範也犯菩薩戒無正因也毀佛涅槃

槃無正果也三者不正諸餘皆邪故墮獄罪畢卽
入鬼趣

△二明感類此類乃感習雜相所謂諸餘雜業不必局配十因文義不循

若於本因貪物爲罪是人罪畢遇物成形名爲怪鬼
貪色爲罪是人罪畢遇風成形名爲魅鬼
貪物則恪着不釋故附物爲怪貪色則惑於妖邪
故墮爲妖魅鬼遇風成形若魅鬼遇畜癟鬼遇
衰各隨其本類化理也

貪惑爲罪是人罪畢遇畜成形名爲魅鬼貪恨爲罪

是人罪畢遇蟲成形名盡毒鬼

貪惑爲魅貪恨爲毒因其理也魅精魅也

貪憶爲罪是人罪畢遇衰成形名爲癟鬼貪傲爲罪是人罪畢遇氣成形名爲餓鬼

憶者常懷姦虐故遇災衰處爲癟虐鬼傲者虛憒

恃氣故乘飢虛氣爲餓鬼類

貪罔爲罪是人罪畢遇幽爲形名爲魔鬼貪明爲罪是人罪畢遇精爲形名魍魎鬼

貪罔者潛心陰昧遇幽爲魘皆陰昧事也貪明者妄意高明故陰附精明成魍魎類

貪成爲罪是人罪畢遇明爲形名役使鬼貪黨爲罪是人罪畢遇人爲形名傳送鬼

貪成者希意曲從故影附明靈爲役使鬼卽依靈廟爲驅使者貪黨者阿附邪佞故遇人成形爲傳送鬼卽附巫祝而傳吉凶者

△三結虛妄

阿難是人皆以純情墮落業火燒乾上出爲鬼此等皆是自妄想業之所招引若悟菩提則妙圓明本無所有

情業積水故下墜燒乾則情業已盡復乘想業上

出皆迷妄之爲也圓明覺心本無是事

△三畜趣三 一標緣起

復次阿難鬼業既盡則情與想二俱成空方於世間與元負人冤對相值身爲畜生酬其宿債

獄報情業鬼報想業故鬼業盡則二報俱空復償

負業

△二明感類

物怪之鬼物消報盡生於世間多爲梟類風魅之鬼風消報盡生於世間多爲咎徵一切異類

土梟附塊卽邪着餘習也魅鬼昔爲妖孽故餘習

復爲咎徵咎徵者凶事前驗如鼯鼠呼人商羊舞水類也

畜魅之鬼畜死報盡生於世間多爲狐類蟲蠱之鬼蠱滅報盡生於世間多爲毒類

爲魅憑畜故餘習爲狐蛇虺蝮蝎皆毒類

衰癘之鬼衰窮報盡生於世間多爲蛔類受氣之鬼氣消報盡生於世間多爲食類

癘鬼襲人蟻蛔附人鬼中飲虛畜中充饋

綿幽之鬼幽消報盡生於世間多爲服類和精之鬼和消報盡生於世間多爲應類

綿着也着幽魘人故爲服類亦綿着於人卽蚕虫牛馬類也和合也以合精餘習能應節序卽社燕寒鴈蟋蟀類也

明靈之鬼明滅報盡生於世間多爲休徵一切諸類依人之鬼人亾報盡生於世間多爲循類
明而不幽故爲休徵卽嘉鳳祥麟類也昔依人故馴服於人卽猫犬雞狦類也凡諸異物性妙乎神靈邁於人若龜善考祥馬能知道乃至寒鴈蟋蟀之類不假曆數冥知節序皆餘習也各言多者約業習多分言之未必盡然也

△三結虛妄

阿難是等皆以業火乾枯酬其宿債旁爲畜生此等亦皆自虛妄業之所招引若悟菩提則此妄緣本無所有如汝所言寶蓮香等及琉璃王善星比丘如是惡業本自發明非從天降亦非地出亦非人與自妄所招還自來受菩提心中皆爲浮虛妄想凝結

△四人趣三 一明酬業二 一反徵其剩

復次阿難從是畜生酬償先債若彼酬者分越所酬此等衆生還復爲人反徵其剩如彼有力兼有福德則於人中不捨人身酬還彼力若無福者還爲畜生

償彼餘直

爲畜正酬酬過其分則爲人反徵過分謂非理苦役食噉無度悉皆反徵然則凡所食取宜無過分也

△二因徵交讎

阿難當知若用錢物或役其力償足自停如於中間殺彼身命或食其肉如是乃至經微塵劫相食相誅猶如轉輪互爲高下無有休息除奢摩他及佛出世不可停寢

償足自停則無交讎償足不停則交讎不已自非

正修正力莫之遏絕

△二明感類

汝今應知彼梟倫者酬足復形生人道中叅合頑類彼咎徵者酬足復形生人道中叅合愚類彼狐倫者酬足復形生人道中叅合狠類彼毒倫者酬足復形生人道中叅合庸類彼蛔倫者酬足復形生人道中叅合微類彼食倫者酬足復形生人道中叅合柔類彼服倫者酬足復形生人道中叅合勞類彼應倫者酬足復形生人道中叅合文類彼休徵者酬足復形生人道中叅合明類彼循倫者酬足復形生人道中

叅合達類

梟以附塊相食故餘習頑嚚不義魃以姪妖迷惑故餘習愚鈍不智狐以畜性自徇故狠戾不率毒以虫蠱自昏故庸陋不敏蛇以衰氣附物故衰微不齒食倫出於餓噉故柔怯不勇服倫出於綿着故勞役不息應倫出於精明故文物不陋休徵出於靈知故聰明不昏循倫宿涉世事故曉達不昧是等皆非正報乃餘習所偶故云叅合後三皆便巧雜伎世智辯聰者非賢達文明之事也

△三結虛妄

阿難是等皆以宿債畢酬復形人道皆無始來業計顛倒相生相殺不遇如來不聞正法於塵勞中法爾輪轉此輩名爲可憐愍者

邪倒業輪唯正能止故不遇如來爲可憐愍

△五仙趣三一標緣起

阿難復有從人不依正覺修三摩地別修妄念存想固形遊於山林人不及處有十種仙
儂遷也人之形神能遷而不死者也故曰存想固形然終歸敗壞比天爲劣比人爲優故別開

△二明感類

阿難彼諸衆生堅固服餌而不休息食道圓成名地行仙堅固草木而不休息藥道圓成名飛行仙以藥餌駐一期之壽而不能輕舉名地行食黃精松柏之類久而身輕名飛行行功行也堅固金石而不休息化道圓成名遊行仙堅固動止而不休息氣精圓成名空行仙

煉金石還丹之類化骨易形撮土點石以遊戲人間名遊行乘陰陽運止以調氣固精遺形涉空名空行

堅固津液而不休息潤德圓成名天行仙堅固精色

而不休息吸粹圓成名通行仙

鼓天池嚥津液冰雪焯約不交世欲與天無異名

天行吞吸精色服虹飲霧粹氣潛通名通行

堅固呪禁而不休息術圓成名道行仙堅固思念而不休息思憶圓成名照行仙

能以術法述道自然名道行澄凝精思久能照應名照行或存想頂門而出神繫心臍輪而煉丹皆

思憶圓成也

堅固交遘而不休息感應圓成名精行仙堅固變化而不休息覺悟圓成名絕行仙

內以坎男離女匹配夫妻外卽採陰助陽攝衛精氣名精行存想化理心隨邪悟能大變化其行絕世名絕行

△三結虛妄

阿難是等皆於人中鍊心不修正覺別得生理壽千萬歲休止深山或大海島絕於人境斯亦輪迴妄想流轉不修三昧報盡還來散入諸趣

△六天趣三 初欲界六天二 一列明六

初四天王天

阿難諸世間人不求常住未能捨諸妻妾恩愛於邪

姪中心不流逸澄瑩生明命終之後鄰於日月如是一類名四天王天

未能離欲且能窒欲使愛水不流則湛性澄瑩故能生初天也六天由修五戒十善而致今但約欲微增勝者欲愛爲輪廻根本前明淪墜亦始於此此明超騰亦始於此意使初心未能成就禪定智慧且疾斷根本則輪廻可出也

△二三十三天

於已妻房姪愛微薄於淨居時不得全味命終之後超日月明居人間頂如是一類名忉利天

此愛薄於前故報居其上後遁然也淨居謂清淨
自居之時未全清淨之味爲有微愛故也日月居
須彌腰忉利居頂以澄瑩增明故能超之

△三時分天

逢欲暫交去無思憶於人間世動少靜多命終之後
於虛空中朗然安住日月光明上照不及是諸人等
自有光明如是一類名須餞摩天
欲心不作故動少靜多也六欲下二名地居天上
四名空居天不須日月而常明以蓮華開合分晝
夜故名時分

△四知足天

一切時靜有應觸來未能違戾命終之後上昇精微
不接下界諸人天境乃至劫壞三災不及如是一類
名兜率陁天

雖靜心愈多亦未免應觸此能少欲未能無心也
兜率天有內院外院三災至三禪而此不及者約
內院言之精微不接皆內院之事也

△五樂變化天

我無欲心應汝行事於橫陳時味如嚼蠟命終之後
生越化地如是一類名樂變化天

此無心而境自至曰橫陳嚼蠟言味甚薄也諸天皆有報境而此天樂自變化以受用越於下天故名越化

△六他化自在天

無世間心同世行事於行事交了然超越命終之後徧能出超化無化境如是一類名他化自在天了然超越言全無味也化卽第五天無化卽下天也諸欲樂境不勞自化皆由他化而自在受用名他化自在

△二結妄

阿難如是六天形雖出動心迹尚交自此已還名爲欲界

雖出塵擾未能絕欲故通名欲界

大佛頂如來密因修證了義諸菩薩萬行首楞嚴經要解卷第十六

音切

概其月

刺

七述

校

効

屎

音

矢

尿

音

乃弔

碾尼

展

五對

愁莫候

呻

音

稍

湖

剗

切

颺

音

於琰

切

金壇居士于士釐施賚刻此

首楞嚴經要解第十六卷

嘉禾沙彌道梅對

萬曆甲午仲春徑山興聖

萬壽禪寺識

1 2 3 4 5 6 7 8 9 10 11 12 13 14 15 16 17 18 19 20

要解卷第十六

大論頂如來密因修證了義諸菩薩萬行首楞嚴經

劉萬年

龍出聖未非弘大法無爲

妙界

圓滿駁長天紙韻出懷古歌曲文自古有歌

大佛頂如來密因修證了義諸菩薩萬行首楞嚴經
要解卷第十七

唐天竺沙門般刺蜜諦譯

不動烏苌國沙門彌伽釋迦譯語

菩薩戒弟子前正議大夫同中書門下平

章事清河房融筆受

溫陵開元蓮寺比丘戒環解

△二色界十八天雖離欲染尚有色質故名色界
通名梵世爲已離欲染也通號四禪爲已離散動
也欲天但十善感生此天兼禪定感生然特有漏

禪觀六事行耳六行者厭欲界是苦是麁是障欣色界是淨是妙是離此則凡夫伏惑超世間道也阿難世間一切所修心人不假禪那無有智慧但能執身不行婬欲若行若坐想念俱無愛染不生無留欲界是人應念身爲梵侶如是一類名梵衆天不假禪那等者言雖非正修真三摩地無正智慧但修六行伏欲使愛染不生則不留欲界麁惑不染淨報現前故卽生梵世初名梵衆則衆庶而已次名梵輔乃大梵宰輔而終於大梵其進有序

△二 梵輔天

欲習旣除離欲心現於諸律儀愛樂隨順是人應時能行梵德如是一類名梵輔天

初天但能執身伏欲此天又得定共戒以順律儀行梵德故超之也戒定相應名定共戒

△三大梵天

身心妙圓威儀不缺清淨禁戒加以明悟是人應時能統梵衆爲大梵王如是一類名大梵天

由前淨心威儀戒行而進至於妙圓清淨又加以明悟超達則盛德之至故爲梵王

△四結

阿難此三勝流一切苦惱所不能逼雖非正修真三
摩地清淨心中諸漏不動名爲初禪梵天
莫非流也有無明流生死流欲流勝流四果流涅
槃流皆各隨流類而趨也欲流則趨於生死雖至
六天未足爲勝此天已出欲流背生死趨勝淨故
四禪皆稱勝流也已離欲界八苦故曰苦惱不逼
已離散動欲心故曰諸漏不動俱舍云此名離生
喜樂地謂離欲界雜惡生得輕安樂也

△二二禪三天四 一少光天

阿難其次梵天統攝梵人圓滿梵行澄心不動寂湛
生光如是一類名少光天

此躡大梵之行升進具戒定慧故曰圓滿以圓滿
故能澄凝其心不隨境動而寂湛生光然此初能
脫粘復湛其光尚劣故名少光

△二無量光天

光光相然照耀無盡映十方界徧成琉璃如是一類
名無量光天

定力轉明妙光迭發境隨光淨徧成琉璃

△三光音天

吸持圓光成就教體發化清淨應用無盡如是一類名光音天

諸世界中教體不同故娑婆以文字香積無文字說但以衆香此天以圓光成音而發宣化法故名光音

△四結

阿難此三勝流一切憂懸所不能逼雖非正修真三摩地清淨心中麤漏已伏名爲二禪

二禪離憂得極喜樂故云憂懸不逼初禪方得漏心不動而未能伏此天已伏麤漏則業漸劣行漸

勝也俱舍云此名定生喜樂地謂有定水潤業憂懸不逼也

△三三禪三天四 一少淨天

阿難如是天人圓光成音披音露妙發成精行通寂滅樂如是一類名少淨天

由上圓光教體披露妙理發成精行離前喜動而生淨樂是樂非境乃出乎淨性恬怡寂靜名寂滅樂而淨力猶劣則能通而已未能成也以猶劣故名少淨

△二無量淨天

淨空現前引發無際身心輕安成寂滅樂如是一類名無量淨天

淨空者離諸喜動不緣物境之定相也由是充擴使淨相無際協乎妙性故身心輕安而性樂成矣以無際故名無量淨

△三遍淨天

世界身心一切圓淨淨德成就勝託現前歸寂滅樂如是一類名徧淨天

淨空無際故世界身心一切圓淨淨德成就則性樂歸託於是矣以一切圓淨故名徧淨

△四結

阿難此三勝流具大隨順身心安隱得無量樂雖非正得真三摩地安隱心中歡喜畢具名爲三禪

具精行性樂名大隨順故安隱無量也歡喜畢具者此名離喜妙樂地謂心雖離喜而喜樂自具也

△四禪九天四禪報境但有三天其第四無想乃第三廣果別開凡夫報境此四之上有五不還天乃聖賢別修靜慮資廣果故業而生與凡夫不同故又別列文二一四根本天前之禪行但是自利未能利他至四禪乃兼修慈悲喜捨利他之

心名四無量善無漏觀慧諸禪三昧悉從此出故
名根本文五文二福生天財本天祐文轉十日是
阿難復次天人不逼身心苦因已盡樂非常住久必
壞生苦樂二心俱時頓捨麤重相滅淨福性生如是
一類名福生天

前雖逼苦已盡得無量樂然樂不終樂壞苦必隨
此天悟此故苦樂頓捨以捨苦樂名麤重相滅捨
念清淨故淨福性生

△二福愛天

捨心圓融勝解清淨福無遮中得妙隨順窮未來際

如是一類名福愛天

苦樂二忘故捨心圓融心無所累故勝解清淨繇
是福無遮礙而得妙隨順自有漏禪定而發無漏
行至於究竟故曰窮未來際定福如此爲可愛樂
故名福愛

△三廣果天

阿難從是天中有二岐路若於先心無量淨光福德
圓明修證而住如是一類名廣果天
從福愛分二岐也一直往道趣廣果一迂僻道趁
無想若於先心不帶異執直修禪定使自無量光

天至福愛所修福德圓明而住此天定福彌廣故名廣果

△四無想天

若於先心雙厭苦樂精研捨心相續不斷圓窮捨道身心俱滅心慮灰凝經五百劫是人既以生滅爲因不能發明不生滅性初半劫滅後半劫生如是一類名無想天

先心雖能伏惑修禪而涉妄帶異以有心爲生滅以無想爲涅槃於是雙厭苦樂專研捨心以趨無想由物洎身以至心想一切皆捨名圓窮捨道心

慮灰凝卽無想定也以是感報生無想天壽五百劫俱舍說初生此天未全無想經半劫始無及報將盡復經半劫有想然後報謝

△五結

阿難此四勝流一切世間諸苦樂境所不能動雖非無爲真不動地有所得心功用純熟名爲四禪

想念之心麤曰尋細曰伺初禪二天兼之大梵無尋唯伺二禪無尋伺有喜樂三禪離喜樂有出入息尋伺感火喜樂感水出入息感風四禪并離之不爲三災所動名不動地然彼器非真常情俱生

滅雖非無爲真境而有爲功用至此已純熟矣
△二五不還天三一總敘

阿難此中復有五不還天於下界中九品習氣俱時
滅盡苦樂雙亾下無卜居故於捨心衆同分中安立
居處

第三果人斷欲界惑盡卽生此天不復欲界受生
故名不還亦名五淨居謂離欲淨身所居也習氣
種子惑也與現行皆滅故云俱盡此指欲界無續
生業也苦樂雙亾兼指四禪已下無續業也故云
下無卜居此五天自四禪別立通名捨念清淨地

故曰捨心同分

△二別列五一無煩天

阿難苦樂兩滅鬪心不交如是一類名無煩天
前於苦樂有捨有貳則心與境鬪不能無煩唯心
境兩釋煩惱斯斷

△二無熱天

機括獨行研交無地如是一類名無熱天
盛熱曰煩微煩曰熱上雖鬪心不交疑若猶有交
地方滅麤相得無煩而已此復增勝心機無對研
交無地能滅緣影故得無熱也

△三善見天

十方世界妙見圓澄更無塵像一切沉垢如是一類名善見天

能滅緣影故妙見圓澄而染心塵像累性沉垢於是皆無也圓見十方故名善見

△四善現天

精見現前陶鑄無礙如是一類名善現天

精見智照也向滯塵垢不能發化今既澄圓猶如明鏡隨緣顯現名陶鑄無礙

△五色究竟天

究竟群幾窮色性性入無邊際如是一類名色究竟天

幾者色之微性者相之本未能究了則局於色相自爲限礙此能究而窮之故出乎形礙入無邊際名色究竟

△三結勝

阿難此不還天彼諸四禪四位天王獨有欽聞不能知見如今世間曠野深山聖道場地皆阿羅漢所住持故世間麤人所不能見

下天修有漏凡定此天修無漏聖業麤細有異故

不能見

△二總結

阿難是十八天獨行無交未盡形累自此已還名爲色界

已離欲染故獨行無交尚有色質故未盡形累
△三無色界四天無業果色有定果色依正皆然
乃滅身歸無定性聲聞所居或無想外道別報或
捨狀天人雜處其類不一皆無色蘊文四

一分岐超出

復次阿難從是有頂色邊際中其間復有二種岐路

若於捨心發明智慧慧光圓通便出塵界成阿羅漢
入菩薩乘如是一類名爲迴心大阿羅漢

色究竟天居有色頂與無色隣名色邊際二岐一
出三界卽此科也一入無色卽次科也四禪皆依
捨念修定此言捨心指有頂因心也因心能發無
漏智慧斷盡塵惑至於圓明卽出三界不住小果
入菩薩乘是名回心

△二隨定趣入此有四天皆依偏空修進初狀色
依空二狀空依識三色空識等都滅而依識性四
依識性以滅窮研而不得真滅是皆有爲增上善

果未出輪迴不成聖道文四 一空處

若在捨心捨狀成就覺身爲礙消礙入空如是一類名爲空處

此專依捨不修智慧狀已形礙堅修空觀滅身歸無卽狀色依空者也名空處定故報生空處

△二識處

諸礙旣消無礙無滅其中唯留阿賴耶識全於末那半分微細如是一類名爲識處

諸礙旣消而無則不依於色無礙之無亦滅則不依於空唯留阿賴末那卽狀空依識者也名識處

定故報生識處賴耶第八識也末那第七識也身根旣消無復六識故唯二者獨留而末那所緣色空識三此位狀色空而依識則色空麁緣已無故唯全半分微細也

△三無所有處

空色旣亾識心都滅十方寂然亾無攸往如是一類名無所有處
前位能亾空色而未滅識心此則都滅故十方寂然亾無所往以寂無攸往故名無所有然此雖亾識心未亾識性今之行人見性不深多滯於此雖

100

180

160

180

能洞子色空灰滅心慮逮無所有而終於識性幽
幽綿綿不能自脫生死窟穴實存乎此

△四非想非非想處
識性不動以滅窮研於無盡中發宣盡性如存不存
若盡非盡如是一類名爲非想非非想處此等窮空
不盡空理從不還天聖道窮者如是一類名不迴心
鈍阿羅漢若從無想諸外道天窮空不歸迷漏無聞
便入輪轉

識性者識心幽本也不動者寂無攸往也既能不
動復窮研使滅然依識滅之竟非眞滅是強於無

盡中發明盡性所以似存不存似盡不盡似存不
存故非想也似盡不盡又非非想也此又幽幽綿
綿至微之相也以綿微不脫故云不盡空理而聲
聞依此以爲究竟終成鈍果外道依此無所歸宿
終迷有漏也修出世心至此終極麤業已無唯識
性爲滯若奮然脫此斯出三界矣諸天行位皆是
三摩漸次不徒說示其行相相躡相資同前聖位
但此示凡淺升進耳若深智體之亦可頓證也

△三通辯凡聖

阿難是諸天上各各天人則是凡夫業果酬答答盡

入輪彼之天王卽是菩薩遊三摩地漸次增進廻向聖倫所修行路

通指欲色無色天也其衆乃隨業感報未出輪廻其王乃隨行權應寄位升進華嚴謂初地菩薩多作閻浮提王二地輪王乃至六欲三楚天王是也此豎論已終故通結指

△四結名顯妄二一結名

阿難是四空天身心滅盡定性現前無_示果色從此逮終名無色界

身心滅盡者無色蘊及麤識也

△二顯妄

此皆不了妙覺明心積妄發生妄有三界中間妄隨七趣沉溺補特伽羅各從其類

三界由妄發生七趣由妄取着補特伽羅卽妄取之幽本也

△七脩羅趣

復次阿難是三界中復有四種阿脩羅類若於鬼道以護法力乘通入空此阿脩羅從卵而生鬼趣所攝若於天中降德貶墜其所卜居鄰於日月此阿脩羅從胎而出人趣所攝有脩羅王執持世界力洞無畏

能與梵王及天帝釋四天爭權此阿脩羅因變化有天趣所攝阿難別有一分下劣脩羅生大海心沉水穴口旦遊虛空暮歸水窟此阿脩羅因濕氣有畜生趣攝

脩羅此云非天福力等天而無天行爲多瞋故也隨業輕重有四生之異水穴卽尾間也

△四通結總答四
一通結七趣

阿難如是地獄餓鬼畜生人及神仙天洎脩羅精研七趣皆是昏沉諸有爲相妄想受生妄想隨業於妙圓明無作本心皆如空華元無所着但一虛妄更無

根緒

精研細窮也夢識昏沉故妄隨七趣覺心妙圓則了無根緒

△二總答前問

阿難此等衆生不識本心受此輪迴經無量劫不得真淨皆由隨順殺盜婬故反此三種又則出生無殺盜婬有名鬼倫無名天趣有無相傾起輪迴性若得妙發三摩地者則妙常寂有無二無無二亦滅尚無不殺不偷不婬云何更隨殺盜婬事

前問妙心圓徧何有獄鬼人天等道故此結示由

殺盜婬三爲根本有是業則名鬼倫言必墜也無是業則名天趣言必升也出生無殺盜婬卽天趣也七趣舉二以善惡通攝也因有而墜因無而升故曰有無相傾起輪迴性若得正定則妙性常寂無復輪迴矣有無二無言相傾業斷也無二亦滅言分別情忘也業斷情忘則三種妄本名迹雙泯矣故欲斷妄輪須修正定也

阿難不斷三業各各有私因各各私衆私同分非無定處自妄發生生妄無因無可尋究

前問地獄爲有定處爲無定處彼彼發業各各私

受故此牒答三業卽殺婬也

△三勸斷三業

汝勗修行欲得菩提要除三惑不盡三惑縱得神通皆是世間有爲功用習氣不減落於魔道雖欲除妄倍加虛偽如來說爲可哀憐者汝妄自造非菩提咎殺盜婬爲惑業之本故名三惑上明諸趣戒備失錯而終於勸除三惑乃戒備真要也

△四結示正說

作是說者名爲正說若他說者卽魔王說

△二詳辨魔境深防邪誤魔羅此云殺者亦云奪

者謂能殺慧命奪善法開之有五曰五陰魔煩惱
魔死魔天魔鬼魔合之唯陰魔天魔而已陰魔卽
生死煩惱依五陰而起者也天魔因修邪定好害
正道者也未發心者常與隨順則無寇敵唯正修
者違而不順偏致惱害故須辨識也文二

初召告宣示三 初召告

卽時如來將罷法座於師子牀攬七寶几迴紫金山
再來凭倚普告大衆及阿難言汝等有學緣覺聲聞
今日迴心趣大菩提無上妙覺吾今已說真修行法
汝猶未識修奢摩他毗婆舍那微細魔事魔境現前

汝不能識洗心非正落於邪見或汝陰魔或復天魔
或着鬼神或遭魑魅心中不明認賊爲子又復於中
得少爲足如第四禪無聞比丘妄言證聖天報已畢
衰相現前謗阿羅漢身遭後有墮阿鼻獄汝應諦聽
吾今爲汝子細分別

前法旣終當機無問故將罷法座而又攬寶几回
金容無間自說者真正觀中微細魔事非一切智
莫能辨識能療寶覺破法王家故須特告乃最後
深慈也四禪無聞者智論說比丘無多聞慧但勤
小行得生四禪便謂已證阿羅漢及乎天報將畢

見有生處遂謗佛妄說羅漢不受後有因此墜墮
乃邪誤之咎也

△二正示四 初敘魔所起
難起立并其會中同有學者

阿難起立并其會中同有學者歡喜頂禮伏聽慈誨
△二正示四 初敘魔所起
佛告阿難及諸大衆汝等當知有漏世界十二類生
本覺妙明覺圓心體與十方佛無二無別由汝妄想
迷理爲咎癡愛發生生發偏迷故有空性化迷不息
有世界生則此十方微塵國土非無漏者皆是迷頑
妄想安立

覺圓心體所謂真元由迷理背真化迷立妄成有

漏界爲魔所依化迷者隨迷轉變也

當知虛空生汝心內猶如片雲點太清裏況諸世界
在虛空耶

空生大覺中如海一漚發又翁片雲以明世界虛
幻微芒易以消殞也

汝等一人發真歸元此十方空皆悉銷殞云何空中所有國土而不振裂

真元之體本自廓然虛空國土皆是迷頑妄想安立發真不迷則無安立者故自殞裂也或曰有漏空界乃衆生同感云何一人而能消殞矧古今發

真者衆而空界依然安在其消殞耶曰同業所感
不離晦昧發真返明故可消殞然衆生不可盡世
界不可盡故雖一人發真而衆復感結所以依然
使同業之人同能發真則山河器界應念化成無
上知覺而爲淨妙佛土矣

汝輩修禪飾三摩地十方菩薩及諸無漏大阿羅漢
心精通濬當處湛然一切魔王及與鬼神諸凡夫天
見其宮殿無故崩裂大地振坼水陸飛騰無不驚惶
凡夫昏暗不覺遷訛彼等咸得五種神通唯除漏盡
戀此塵勞如何令汝摧裂其處是故鬼神及諸天魔

魍魎妖精於三昧時僉來惱汝

魔以晦昧爲依今修禪飾定妙心精明與菩薩羅
漢濬合故能振裂魔界遂致惱害也凡夫天魔王
天也惟未得漏盡通也

△二悟則無惑

然彼諸魔雖有大怒彼塵勞內汝妙覺中如風吹光
如刀斷水了不相觸汝如沸湯彼如堅冰煖氣漸鄰
不日消殞

妙覺真體無動無壞正力所鑠邪氣自消
徒恃神力但爲其客成就破亂由汝心中五陰主人

主人若迷客得其便當處禪那覺悟無惑則彼魔事無柰汝何陰消入明則彼群邪咸受幽氣明能破暗近自消殞如何敢留擾亂禪定

徒恃神力言諸魔也五陰主人指其心也陰消入明指發真者

△三迷則遭害

若不明悟被陰所迷則汝阿難必爲魔子成就魔人如摩登伽殊爲眇劣彼唯呪汝破佛律儀八萬行中祇毀一戒心清淨故尚未淪溺此乃隳汝寶覺全身如宰臣家忽逢籍沒宛轉零落無可哀救

登伽眇劣只毀戒體諸魔熾惡能隳寶覺固宜深防也宰臣籍沒喻幾於覺位而淪墮惡趣

△四隨陰詳辨五 一色陰三 初示陰相

阿難當知汝坐道場消落諸念其念若盡則諸離念一切精明動靜不移憶忘如一當住此處入三摩地如明目人處大幽暗精性妙淨心未發光此則名爲色陰區宇

消落諸念者以湛旋其虛妄生滅也離念精明者得元明覺無生滅性也湛寂故動靜不移離念故憶忘如一定力雖爾而色陰未破故如明目處暗

雖精性妙淨而心未發光此色陰之相也陰以蔽覆爲義區局性真故曰區宇

若目明朗十方洞開無復幽黯名色陰盡是人則能超越劫濁觀其所由堅固妄想以爲其本

五陰盡相非滅身歸無乃觀力洞照不爲迷礙而已故譬若目明朗則十方洞開也最初一念空見不分名劫濁乃色陰之體也故色陰盡則超之色陰始因父母已三妄倫交結故曰堅固妄想爲本五種妄本經末自釋

△二辨現境十一身能出礙

阿難當在此中精研妙明四大不織少選之間身能出礙此名精明流溢前境斯但功用暫得如是非爲聖證不作聖心名善境界若作聖解卽受群邪

此中一色陰定中也妙體本融由妄質成礙故精窮妙明則四大不織而身能出礙也然此特定力所逼使精明流溢暫而不常故非聖證

△二體拾蟻

阿難復以此心精研妙明其身內徹是人忽然於其身內拾出蟻身相宛然亦無傷毀此名精明流溢形體斯但精行暫得如是非爲聖證不作聖心名善

境界若作聖解卽受群邪

真精妙明流溢前境則外無所隔流溢形體則內無所障故能身內拾出蟻蛇此亦暫爾

△三空聞密義

又以此心內外精研其時魂魄意志精神除執受身餘皆涉入互爲賓主忽於空中聞說法聲或聞十方同敷密義此名精魄遞相離合成就善種暫得如是非爲聖證不作聖心名善境界若作聖解卽受群邪

魂魄意志神五藏主也執受第八識爲七識之總

身爲五根之總旣爲總統故無所涉也前之精研初能外虛次能內徹此復內外精研俱虛徹故五神七識皆失故常迭互相涉故夙昔聞熏自能發揮而忽有所聞也今夫刻意凝神討論之極則奇文麗藻未嘗經意者往往煥然得於夢寐則精研激發神者偶現類可知也

△四默現佛境

又以此心澄露皎徹內光發明十方徧作闇浮檀色一切種類化爲如來于時忽見毗盧遮那踞天光臺千佛圍繞百億國土及與蓮華俱時出現此名心魂

靈悟所染心光研明照諸世界暫得如是非爲聖證不作聖心名善境界若作聖解卽受群邪

淨穢之境常隨心感故澄徹之極則心魂染於靈悟佛境現于心光此同心存佛國聖境冥現也

△五空色如寶

又以此心精研妙明觀察不停抑按降伏制止超越於時忽然十方虛空成七寶色或百寶色同時徧滿不相留礙青黃赤白各各純現此名抑按功力逾分暫得如是非爲聖證不作聖心名善境界若作聖解卽受群邪

精研妙用抑伏雜想制心勝托力用過越故妙明逼極煥散而現也

△六暗室如晝

又以此心研究澄徹精光不亂忽於夜合在暗室內見種種物不殊白晝而暗室物亦不除滅此名心細密澄其見所視洞幽暫得如是非爲聖證不作聖心名善境界若作聖解卽受群邪

人固有不明自發暗不能昏者惟細微定心澄使不亂而後能現暗物不除言皆實境不隨定變也

△七身無所覺

又以此心圓入虛融四體忽然同於草木火燒刀斫
曾無所覺又則火光不能燒爇縱割其肉猶如削木
此名塵併排四大性一向入純暫得如是非爲聖證
不作聖心名善境界若作聖解卽受群邪

定力虛融則五塵併消四大派遣純覺遺身故無
傷觸定力所持故火不能燒也世之端居喪我者
尚能使形槁木而心死灰況真定之力哉

△八見能洞觀

又以此心成就清淨心功極忽見大地十方山河
皆成佛國具足七寶光明徧滿又見恒沙諸佛如來

徧滿空界樓殿華麗下見地獄上觀天宮得無障礙
此名欣厭凝想日深想久化成非爲聖證不作聖心
名善境界若作聖解卽受群邪

厭麤濁之質礙欣淨妙之虛融名成就清淨凝想
日深久而自化故能洞觀得無障礙也

△九夜或隔見

又以此心研究深遠忽於中夜遙見遠方市井街巷
親族眷屬或聞其語此名迫心逼極飛出故多隔見
非爲聖證不作聖心名善境界若作聖解卽受群邪
研心窮遠逼迫精神遺身而出冥有所至故能見

聞遠方事也上皆未離色陰徒因定力而能出礙見聞遠及若色陰盡則十方洞開無復幽暗六通縱任無爲山壁由之直度固無疑矣

△十漸發魔事

又以此心研究精極見善知識形體變移少選無端種種遷改此名邪心感受魑魅或遭天魔入其心腹無端說法通達妙義非爲聖證不作聖心魔事消歇若作聖解卽受群邪

所見知識乃魔變現也前九但明定力獨此乃明魔事者定力未成不能動魔研究精極乃漸發魔

事也故下文魔事愈甚

義諸苦薩萬行首楞嚴經

△三結勸深防

阿難如是十種禪那現境皆是色陰用心交互故現斯事衆生頑迷不自忖量逢此因緣迷不自識謂言登聖大妄語成墮無間獄汝等當依如來滅後於末法中宣示斯義無令天魔得其方便保持覆護成無上道

大佛頂如來密因修證了義諸菩薩萬行首楞嚴經要解卷第十七

音切

貶_{筆歛}冗_{而臘}勗_{許玉}凭_{皮證}坼_{丑格}妖_{於嬌}

七_蕪眇_{眉沼}

籍_{疾易}

溢_音

曉_饒

蛔_音

团_抑

憤_音

金壇_{居士孫雲仍}

施賈_{刻此}

嘉禾沙彌道梅對

首楞嚴經要解第十七卷

微州吳應芝刻

寧唐士登書

萬曆甲午仲春平山真聖萬壽禪寺識

登望大矣吾丈竟無自大及等第以爲人所知於外亦未

訛車衆尘厭教不自計量鑿地因懸巖不自縮臂信

而鑽吸其十蠻嘶底既意背其心劍用心交正姑

△三_諸譯_采變見也前九但明定方圓此乃明

事也姑丁文觀車愈甚動魔研究精極乃漸發

大佛頂如來密因修證了義諸菩薩萬行首楞嚴經
要解卷第十八

唐天竺沙門般刺蜜諦譯

箇不

烏苌國沙門彌伽釋迦譯語

伊耆

菩薩戒弟子前正議大夫同中書門下平

章事清河房融筆受

溫陵開元蓮寺比丘戒環解

△二受陰三初示陰相

阿難彼善男子修三摩提奢摩他中色陰盡者見諸
佛心如明鏡中顯現其像若有所得而未能用猶如

魘人手足宛然見聞不惑心觸客邪而不能動此則名爲受陰區宇受以領納前境爲義已破色陰內外虛融故見諸佛心如鏡現像諸佛心卽我妙覺明心也如鏡現像謂清淨虛凝了非形礙也雖具妙體而未能運用蓋爲受所覆故如魘寐人支體宛具六根明了而不能運動此受陰之相也若魘咎歇其心離身反觀其面去住自由無復留礙名受陰盡是人則能超越見濁觀其所由虛明妄想以爲其本

色陰盡者已離形礙然爲受所魘而未能用故受陰消歇卽能離身反觀去住無礙也妄起見覺汨擾湛性名見濁卽受陰之體也故受陰盡卽超之因違順之幻境生損益之妄受則受陰無體虛有所明故曰虛明妄想爲本

△二辨現境十一抑伏生悲

阿難彼善男子當在此中得大光耀其心發明內抑過分忽於其處發無窮悲如是乃至觀見蚊蟲猶如赤子心生憐愍不覺流淚此名功用抑摧過越悟則無咎非爲聖證覺了不迷久自消歇若作聖解則有

悲魔入其心腑見人則悲啼泣無限失於正受當從
淪墜

此中受陰定中也既破色陰無復幽黯故得大光
耀知受陰爲咎故內自抑伏以破之抑伏大過失
於慈柔故多悲愍以致悲魔附焉

△二 感激生勇

阿難又彼定中諸善男子見色陰消受陰明白勝相
現前感激過分忽於其中生無限勇其心猛利志齊
諸佛謂三僧祇一念能越此名功用凌率過越悟則
無咎非爲聖證覺了不迷久自消歇若作聖解則有

狂魔入其心腑見人則誇我慢無比其心乃至上不
見佛下不見人失於正受當從淪墜

色盡受現爲定之勝相因喜成功故感激勇動以
爲佛果可齊功行易致陵率之過故狂魔附焉今
夫以少爲足驕狂犯分自視無前者皆陵率之過
也

△三 慧劣迷憶

又彼定中諸善男子見色陰消受陰明白前無新證
歸失故居智力衰微入中隳地迥無所見心中忽然
生大枯渴於一切時沉憶不散將此以爲勤精進相

此名修心無慧自失悟則無咎非爲聖證若作聖解則有憶魔入其心腑旦夕撮心懸在一處失於正受當從淪墜

凡修觀行須定慧等持乃能無失今此定強智微而受陰未盡故進無新證色陰已消故退失故居進退之間杳無所依名中曠地以無依無見故枯渴沉憶而憶魔附焉憶心妄系故如有撮懸也

△四定劣失審

又彼定中諸善男子見色陰消受陰明白慧力過定失於猛烈以諸勝性懷於心中自心已疑是盧舍那

得少爲足此名用心亾失恒審溺於知見悟則無咎非爲聖證若作聖解則有下劣易知足魔入其心腑見人自言我得無上第一義諦失於正受當從淪墜前以定強智微此又慧力過定皆互有所失故欲等持也大意如科

△五失守生憂

又彼定中諸善男子見色陰消受陰明白新證未獲故心已亾歷覽二際自生艱險於心忽然生無盡憂如坐鐵牀如飲毒藥心不欲活常求於人令害其命早取解脫此名修行失於方便悟則無咎非爲聖證

若作聖解則有一分常憂愁魔入其心腑手執刀劍
自割其肉欣其捨壽或常憂愁走入山林不耐見人
失於正受當從淪墜進退失守故心生艱險以成邪憂自致患害也

△六妄著生喜

又彼定中諸善男子見色陰消受陰明白處清淨中
心安隱後忽然自有無限喜生心中歡悅不能自止
此名輕安無慧自禁悟則無咎非爲聖證若作聖解
則有一分好喜樂魔入其心腑見人則笑於衢路旁
自歌自舞自謂已得無礙解脫失於正受當從淪墜

定力暫爾無慧自持故妄著成咎

△七見勝生慢

又彼定中諸善男子見色陰消受陰明白自謂已足
忽有無端大我慢起如是乃至慢與過慢及慢過慢
或增上慢或卑劣慢一時俱發心中尚輕十方如來
何況下位聲聞緣覺此名見勝無慧自救悟則無咎
非爲聖證若作聖解則有一分大我慢魔入其心腑
不禮塔廟摧毀經像謂檀越言此是金銅或是土木
經是樹葉或是穢華肉身真常不自恭敬却崇土木
實爲顛倒其深信者從其毀碎埋棄地中疑誤衆生

入無間獄失於正受當從淪墜

慢名有七恃已凌他名我慢同德相傲名慢於同爭勝名過慢於勝爭勝名慢過慢未得謂得名增上慢以劣自矜名卑劣慢不禮塔廟等卽邪慢也今之妄人不禮不誦皆慢魔也麤率寶巾類也

△八得少爲足

又彼定中諸善男子見色陰消受陰明白於精明中圓悟精理得大隨順其心忽生無量輕安已言成聖得大自在此名因慧獲諸輕清悟則無咎非爲聖證若作聖解則有一分好輕清魔入其心腑自謂滿足

更不求進此等多作無聞比丘疑誤衆生墮阿鼻獄失於正受當從淪墜

以色消爲精明以精明爲圓悟遂以爲得大隨順而輕清自在皆得少爲足無聞之儔也

△九執空撥無

又彼定中諸善男子見色陰消受陰明白於明悟中得虛明性其中忽然歸向未滅撥無因果一向入空空心現前乃至心生長斷滅解悟則無咎非爲聖證若作聖解則有空魔入其心腑乃謗持戒名爲小乘菩薩悟空有何持犯其人常於信心檀越飲酒啖肉

廣行姪穢因魔力故攝其前人不生疑謗鬼心久入或食屎尿與酒肉等一種俱空破佛律儀誤入人罪失於正受當從淪墜
因得虛明誤執斷空成諸邪咎凡爲此者皆空魔也

△十綿味發愛

又彼定中諸善男子見色陰消受陰明白味其虛明深入心骨其心忽有無限愛生愛極發狂便爲貪欲此名定境安順入心無慧自持誤入諸欲悟則無咎非爲聖證若作聖解則有欲魔入其心腑一向說欲當從淪墜

爲菩提道化諸白衣平等行欲其行姪者名持法子神鬼力故於末世中攝其凡愚其數至百如是乃至一百二百或五六百多滿千萬魔心生厭離其身體威德既無陷於王難疑誤衆生入無間獄失於正受愛心多因順起故定境順心卽邪愛成咎

△三結勸深防

阿難如是十種禪那現境皆是受陰用心交互故現斯事衆生頑迷不自忖量逢此因緣迷不自識謂言登聖大妄語成墮無間獄汝等亦當將如來語於我

減後傳示末法偏令衆生開悟斯義無令天魔得其方便保持覆護成無上道

諸陰結文皆云保持覆護等卽深防邪誤助道之意也

△三想陰五初示陰相

阿難彼善男子修三摩地受陰盡者雖未漏盡心離其形如鳥出籠已能成就從是凡身上歷菩薩六十聖位得意生身隨往無礙譬如有熟寐寤言是人雖則無別所知其言已成音韻倫次令不寐者咸悟其語此則名爲想陰區宇

想者心慮浮相識情妄貪能覆妙明障聖道故雖得受陰盡其心離身去住自由已爲成就聖位得意生身之固然尚爲想陰所覆故譬熟寐寤言也雖未卽得而因已成就故譬無別所知而已成音韻也如是因相惟想盡者能知故譬不寐者咸悟其語此想陰之相也

若動念盡浮想消除於覺明心如去塵垢一倫生死首尾圓照名想陰盡是人則能超煩惱濁觀其所由融通妄想以爲其本

浮動塵消故無覺明垢無動則生滅想亾覺淨則

170 1 2 3 4 5 6 7 8 9 100 1 2 3 4 5 6 7 8 9 100

始終念滅故一倫生死首尾圓照也憶識誦背發
知現塵名煩惱濁卽想陰之體也故想盡則超之
想能融變使心隨境使境隨心如想酢梅能通質
礙故名融通妄想

△二辨現境十 一想愛善巧三 一定力過失
阿難彼善男子受陰虛妙不遭邪慮圓定發明三摩
地中心愛圓明銳其精思貪求善巧
得受陰盡曰虛妙已無受魔曰不遭圓定等者想
陰定中也愛圓明求善巧者因其虛妙生愛思於
圓明之體以發溫和之用也

△二天魔得便

爾時天魔候得其便飛精附人口說經法其人不覺
是其魔着自言謂得無上涅槃來彼求巧善男子處
敷座說法其形斯須或作比丘令彼人見或爲帝釋
或爲婦女或比丘尼或寢暗室身有光明是人愚迷
惑爲菩薩信其教化搖蕩其心破佛律儀潛行貪欲
變現教化示惪和善巧也附人也其人所
附人也彼人是人修定人也愚迷有定無慧也

△三鬼魔兼附

口中好言災祥變異或言如來某處出世或言劫火

或說刀兵恐怖於人令其家資無故耗散此名怪鬼
年老成魔惱亂是人厭足心生去彼人體弟子與師
俱陷王難汝當先覺不入輪迴迷惑不知墮無間獄
十段皆初舉天魔次明鬼魔而舊科不分今按經
分之前總敘曰奢摩他中微細魔事或汝陰魔或
復天魔或着鬼神或遭魍魎後總結曰是十種魔
或附人體或自現形魔師姪姪相傳邪精魅其心
腑如受陰中舉悲等十類卽陰魔也想陰初舉十
類卽天魔也次舉兼附卽鬼神魍魎也初文皆云
潛行貪欲卽魔師姪姪相傳也次文皆云口中好

言卽邪精魅其心腑也怪鬼魅鬼等皆前所舉者
△二想愛經歷三一定力過失
阿難又善男子受陰虛妙不遭邪慮圓定發明三摩
地中心愛遊蕩飛其精思貪求經歷

愛遊歷異境也

△二天魔得便

爾時天魔候得其便飛精附人口說經法其人亦不
覺知魔着亦言自得無上涅槃來彼求遊善男子處
敷座說法自形無變其聽法者忽自見身坐寶蓮華
全體化成紫金光聚一衆聽人各各如是得未曾有

是人愚迷惑爲菩薩姪逸其心破佛律儀潛行貪欲

△三鬼魔兼附

口中好言諸佛應世某處某人當是某佛化身來此
某人卽是某菩薩等來化人間其人見故心生傾渴
邪見密興種智消滅此名魃鬼年老成魔惱亂是人
狀足心生去彼人體弟子與師俱陷王難汝當先覺
不入輪迴迷惑不知墮無間獄

△三想愛契合三一定力過失

又善男子受陰虛妙不遭邪慮圓定發明三摩地中
心愛綿濬澄其精思貪求契合

愛綿濬者欲密契妙理也

△二天魔得便

爾時天魔候得其便飛精附人口說經法其人實不
覺知魔着亦言自得無上涅槃來彼求合善男子處
敷座說法其形及彼聽法之人外無遷變令其聽者
未聞法前心自開悟念念移易或得宿命或有他心
或見地獄或知人間好惡諸事或口說偈或自誦經
各各歡娛得未曾有是人愚迷惑爲菩薩綿愛其心
破佛律儀潛行貪欲

希契合故魔與開悟自開悟下皆密契事也綿愛

謂心生愛着也

△三鬼魔兼附

口中好言佛有大小某佛先佛某佛後佛其中亦有真佛假佛男佛女佛菩薩亦然其人見故洗滌本心易入邪悟此名魅鬼年老成魔惱亂是人貳足心生去彼人體弟子與師俱陷王難汝當先覺不入輪迴迷惑不知墮無間獄

言男女佛意彰媒欲疑誤行人也

△四想愛辨析三 一定力過失

又善男子受陰虛妙不遭邪慮圓定發明三摩地中

心愛根本窮覽物化性之終始精爽其心貪求辨析
愛窮萬化之本故爽其心以辨析

△二天魔得便

爾時天魔候得其便飛精附人口說經法其人先不覺知魔着亦言自得無上涅槃來彼求元善男子處敷座說法身有威神摧伏求者令其座下雖未聞法自然心伏是諸人等將佛涅槃菩提法身卽是現前我肉身上父父子子遞代相生卽是法身常住不絕都指現在卽爲佛國無別淨居及金色相其人信受凶失先心身命歸依得未曾有是等愚迷惑爲菩薩

推究其心破佛律儀潛行貪欲

將佛涅槃等者以肉身爲果德以幻生爲常住而
撥無淨土報體皆因其辨析化元而妄爲混融之
說也

△三鬼魔兼附

口中好言眼耳鼻舌皆爲淨土男女二根卽是苦提
涅槃真處彼無知者信是穢言此名蠱毒魔勝惡鬼
年老成魔惱亂是人獸足心生去彼人體弟子與師
俱陷王難汝當先覺不入輪迴迷惑不知墮無間獄
以穢染爲真淨亦意引蝶欲也

△五想愛冥感三一定力過失

又善男子受陰虛妙不遭邪慮圓定發明三摩地中
心愛懸應周流精研貪求冥感

欲希功行効驗也

△二天魔得便

爾時天魔候得其便飛精附人口說經法其人元不
覺知魔着亦言自得無上涅槃來彼求應善男子處
敷座說法能令聽衆暫見其身如百千歲心生愛染
不能捨離身爲奴僕四事供養不覺疲勞各各令其
座下人心知是先師本善知識別生法愛粘如膠漆

得未曾有是人愚迷惑爲菩薩親近其心破佛律儀
潛行貪欲

化百千歲之形假前世知識以現冥感也

△三鬼魔兼附

口中好言我於前世於某生中先度某人當時是我
妻妾兄弟今來相度與汝相隨歸某世界供養某佛
或言別有大光明天佛於中住一切如來所住居地
彼無知者信是虛誑遺失本心此名癟鬼年老成魔
惱亂是人狀足心生去彼人體弟子與師俱陷王難
汝當先覺不入輪迴迷惑不知墮無間獄

此皆現冥感也舉光明天將引入魔境也

△六想愛靜謐三一定力過失

又善男子受陰虛妙不遭邪慮圓定發明三摩地中
心愛深入尅已辛勤樂處陰寂貪求靜謐

愛深入幽靜以澄養通力也

△二天魔得便

爾時天魔候得其便飛精附人口說經法其人本不
覺知魔着亦言自得無上涅槃來彼求陰善男子處
敷座說法令其聽人各知本業或於其處語一人言
汝今未死已作畜生勑使一人於後踢尾頓令其人

起不能得於是一衆傾心欽伏有人起心已知其肇
佛律儀外重加精苦誹謗比丘罵詈徒衆訐露人事
不避譏嫌

邪定能具五通本業宿業也畜生後報也此二宿
命通也知肇他心通也訐露眼耳通也發人私事
曰訐露

△三鬼魔兼附

口中好言未然禍福及至其時毫髮無失此大力鬼
年老成魔惱亂是人狀足心生去彼人體弟子與師
俱陷王難汝當先覺不入輪迴迷惑不知墮無間獄

△七想愛宿命三 一定力過失

又善男子受陰虛妙不遭邪慮圓定發明三摩地中
心愛知見勤苦研尋貪求宿命

△好知潛匿異事及宿命也

△二天魔得便

爾時天魔候得其便飛精附人口說經法其人殊不
覺知魔着亦言自得無上涅槃來彼求知善男子處
敷座說法是人無端於說法處得大寶珠其魔或時
化爲畜生口銜其珠及襍珍寶簡策符牘諸奇異物
先授彼人後着其體或誘聽人藏於地下有明月珠

照耀其處是諸聽者得未曾有多食藥草不餐嘉饌或時日餐一麻一麥其形肥充魔力持故誹謗比丘罵詈徒衆不避譏嫌

珠寶簡冊等皆潛匿異事

△三鬼魔兼附

口中好言他方寶藏十方聖賢潛匿之處隨其後者往往見有奇異之人此名山林土地城隍川嶽鬼神年老成魔或有宣姪破佛戒律與承事者潛行五欲或有精進純食草木無定行事惱亂是人歟足心生去彼人體弟子與師多陷王難汝當先覺不入輪迴

迷惑不知墮無間獄

△八想愛神力三一定力過失

又善男子受陰虛妙不遭邪慮圓定發明三摩地中
心愛神通種種變化研究化元貪取神力
化元萬化之本也欲乘之以發神變

△二天魔得便

爾時天魔候得其便飛精附人口說經法其人誠不
覺知魔着亦言自得無上涅槃來彼求通善男子處
敷座說法是人或復手執火光手撮其光分於所聽
四衆頭上是諸聽人頂上火光皆長數尺亦無熱性

曾不焚燒或水上行如履平地或於空中安坐不動
或入餅內或處囊中越牖透垣曾無障礙唯於刀兵
不得自在自言是佛身着白衣受比丘禮誹謗禪律
罵詈徒衆許露人事不避譏嫌

以愛神變故現撮火履水等事若真神變則不懼
刀兵

△三魑魅兼附

口中常說神通自在或復令人旁見佛土鬼力惑人
非有真實讚歎行姪不毀麤行將諸猥媠以爲傳法
此名天地大力山精海精風精河精土精一切草木

積劫精魅或復龍魅或壽終仙再活爲魅或仙期終
計年應死其形不化他怪所附年老成魔惱亂是人
狀足心生去彼人體弟子與師多陷王難汝當先覺
不入輪迴迷惑不知墮無間獄

猥媠姪僻事也

△九想愛深空三一定力過失

又善男子受陰虛妙不遭邪慮圓定發明三摩地中
心愛入滅研究化性貪求深空

欲入滅定以趣空寂也

△二天魔得便

爾時天魔候得其便飛精附人口說經法其人終不覺知魔着亦言自得無上涅槃來彼求空善男子處敷座說法於大眾內其形忽空衆無所見還從虛空突然而出存沒自在或現其身洞如琉璃或垂手足作栴檀氣或大小便如厚石蜜誹毀戒律輕賤出家因其好空故依空眩惑

△三精怪兼附

口中常說無因無果一死未滅無復後身及諸凡聖此說皆乘其空見而發也近世邪宗妄謂參須實參見須實見遂以因果後身天堂地獄非親見者

一皆撥無故得其說者咸謂善惡渺茫浮生不再於是忘戒捨恣淫樂飲噉昏荒以自斷送僥倖顯處培尅侵虐真謂無天堂地獄矣愚每痛之因箋釋及此感發奮筆冀悟魔說無自陷溺也

雖得空寂潛行貪欲受其欲者亦得空心撥無因果此名日月薄蝕精氣金玉芝草麟鳳龜鶴經千萬年不死爲靈出生國土年老成魔惱亂是人厭足心生去彼人體弟子與師多陷王難汝當先覺不入輪迴迷惑不知墮無間獄

日月薄蝕精氣流注能爲金玉之類

△十想愛長壽三 一定力過失

又善男子受陰虛妙不遭邪慮圓定發明三摩地中
心愛長壽辛苦研幾貪求末歲棄分段生頓希變易
細相當住

三界惑盡方離分段生死得變易生死今功未成
妄希卽惑矣研幾謂研窮幾微以深求也細想云
者欲變麤爲細求久住世也

△二天魔得便

爾時天魔候得其便飛精附人口說經法其人竟不
覺知魔着亦言自得無上涅槃來彼求生善男子處

敷座說法好言他方往還無滯或經萬里瞬息再來
皆於彼方取得其物或於一處在一宅中數步之間
令其從東詣至西壁是人急行累年不到因此信心
疑佛現前

萬里瞬息乃得變易者之事

△三魔眷兼附

口中常說十方衆生皆是吾子我生諸佛我出世界
我是元佛出世自然不因修得此名住世自在天魔
使其眷屬如遮文茶及四天王毗舍童子未發心者
利其虛明食彼精氣或不因師其修行人親自觀見

稱執金剛與汝長命現美女身盛行貪欲未逾年歲
肝腦枯竭口兼獨言聽若妖魅前人未詳多陷王難
未及遇刑先已乾死惱亂彼人以至殂殞汝當先覺
不入輪迴迷惑不知墮無間獄

陁羅尼經有遮文茶天毗舍童子卽毗舍遮鬼隸
四天王已發心則護人未發心則害人以彼定力
虛明爲利故食其精氣或不因師者不因魔附之
師而親見魔現也口兼獨言間出異語也

△三總會詳示

阿難當知是十種魔於末世時在我法中出家修道

或附人體或自現形皆言已成正徧知覺讚歎姪欲
破佛律儀先惡魔師與魔弟子姪姪相傳如是邪精
魅其心腑近則九生多逾百世令真修行總爲魔眷
命終之後必爲魔民失正徧知墮無間獄

涅槃經曰末世魔屬現比丘羅漢等像混壞正法
非毀戒律其意同此

△四勅令弘宣

汝今未須先取寂滅縱得無學留願入彼末法之中
起大慈悲救度正心深信衆生令不着魔得正知見
我今度汝已出生死汝遵佛語名報佛恩

始以阿難起教終復囑令弘宣足知大教源流浚
發遐被無非阿難之力則示遭魔事徵心辨見皆
爲末法起大慈悲令不着魔得正知見也當知昔
雖四派示滅今之法化常存與夫在處影響無非
留願之身也

△五結勸深防

阿難如是十種禪那現境皆是想陰用心交互故現
斯事衆生頑迷不自忖量逢此因緣迷不自識謂言
登聖大安語成墮無間獄汝等必須將如來語於我
滅後傳示末法偏令衆生開悟斯義無令天魔得其

方便保持覆護成無上道

大佛頂如來密因修證了義諸菩薩萬行首楞嚴經
要解卷第十八

音切

撮此活

窶音

銳以芮

謐音

密

訏

居謁

策音

牘讀

肥

父

切猥鳥罪

居士于樹

經要解第十八卷

嘉禾沙彌道海

對

金壇首楞嚴經

甲午仲春徑山興

進賢趙宗周刻

萬曆

刻

萬曆甲午仲春徑山興聖萬壽禪寺識

170 1 2 3 4 5 6 7 8 9 180 1 2 3 4 5 6 7 8 9 190

大佛頂如來密因修證了義諸菩薩萬行首楞嚴經
要解卷第十九

唐天竺沙門般刺蜜譯譯

烏萇國沙門彌伽釋迦譯語

菩薩戒弟子前正議大夫同中書門下平

章事清河房融筆受

溫陵開元蓮寺比丘戒環解

△四行陰四初示陰相

阿難彼善男子修三摩地想陰盡者是人平常夢想
消滅寤寐恒一覺明虛靜猶如晴空無復麤重前塵

欲領參學十人不自忖量達此因緣迷不自識謂言
大佛頂如來密因修證了義諸菩薩萬行首楞嚴經
文更別付贊贊如無土種開悟斯義無今天魔得其

影事觀諸世間大地山河如鏡鑑明來無所粘過無
蹤迹虛受照應了因陳習唯一精真生滅根元從此
披露見諸十方十二衆生畢殫其類雖未通其各命
由緒見同生基猶如野馬熠熠清擾爲浮根塵究竟
樞穴此則名爲行陰區宇

通敘想滅行現也浮動妄習晝明則想夕瞢則夢
汨亂性真莫得而一擾動覺明莫得而靜故想陰
盡者夢想消滅寤寐常一覺明虛靜猶如晴空也
五陰前麤後細故想盡則無麤重影事雖觀萬象
而無想念故如鏡鑒明無粘無迹虛受照應了無

陳習唯一精真明極如此故幽隱行陰於是披露
也行爲萬化生滅根元故其相披露則十二類生
之元無不殫見各命由緒識也同生基行也擾動
幽隱故譬野馬乍生乍滅故曰熠熠無復麤影故
曰清擾根塵運止皆本於此故名究竟樞穴也
若此清擾熠熠元性入元澄一澄元習如波瀾滅
化爲澄水名行陰盡是人則能超衆生濁觀其所由
幽隱妄想以爲其本

行陰習擾成性故稱元性元習能滅擾習則歸元
澄之本而遷流相盡矣故如波瀾滅化爲澄水也

生滅不停業運常遷名衆生濁卽行陰之體也故行陰盡則超之行陰密移曾無覺悟故曰幽隱妄想

△二明狂解十一於圓元計二無因三

初總敘

阿難當知是得正知奢摩他中諸善男子凝明正心十類天魔不得其便方得精研窮生類本於本類中生元露者觀彼幽清圓擾動元於圓元中起計度者是人墜入二無因論

夢想消亾寤寐常一故稱正知奢摩他又稱凝明

正心皆想盡之相也外魔皆因心召故想盡凝明則天魔不至從此唯是修禪失趣狂解妄計是卽陰魔也生類本卽同生基也於本類中生元露者於同生基見已行元也幽清動元卽行元也旣見此已遂以一切生滅皆圓於此而不進窮識陰本末遂立二無因論

△二別明二計本無因

一者是人見本無因何以故是人旣得生機全破乘于眼根八百功德見八萬劫所有衆生業流灣環死此生彼祇見衆生輪廻其處八萬劫來冥無所觀便

作是解此等世間十方衆生八萬劫外無因自有由此計度亾正徧知墮落外道惑菩提性

生基既破則根離區穴而眼清淨故能洞見業流灣環者隨業流轉如水在灣洄漩其處不能自出也未脫識陰定力有限故八萬劫外冥無所見以無所見故計本無因也不知本因存乎妄識此所謂亾正徧知

△二計末無因

二者是人見末無因何以故是人於生既見其根知人生人悟鳥生鳥鳥從來黑鵠從來白人天本豎畜

生本橫白非洗成黑非染造從八萬劫無復改移今盡此形亦復如是而我本來不見菩提云何更有成菩提事當知今日一切物象皆本無因

謬執生根不達化理以人竟爲人乃至黑竟爲黑無復改移因而例我本不見道末亦無成是末無

因也結文本字合是末字

△三結失

由此計度亾正徧知墮落外道惑菩提性是則名爲第一外道立無因論

△二於圓常計四徧常三一總敘

阿難是三摩中諸善男子凝明正心魔不得便窮生
類本觀彼幽清常擾動元於圓常中起計度者是人
墜入四徧常論

前言圓擾動元此言常擾動元者以生滅之元皆
圓於此遂執爲常而起徧常論徧卽圓也故此標
名徧常後結名圓常

△二別明四 一依心境計常

一者是人窮心境性二處無因修習能知二萬劫中
十方衆生所有生滅咸皆循環不曾散失計以爲常
由妄計行陰爲生滅圓元遂於心境四大八識等

皆起妄計或撥生滅而計常或存生滅而計常或
認識神而計常或起邪見而計常今此窮心境性
本自無因謂無生滅故以十方衆生生滅之理皆
則循環本無散失此撥生滅而計常也想陰盡者
依心境二法修觀故功力能知二萬劫事後四萬
八萬例此

△二依四大計常

三者是人窮四大元四性常住修習能知四萬劫中
十方衆生所有生滅咸皆體恒不曾散失計以爲常
衆生依地水火風生滅而四性元則常住則諸生

1 2 3 4 5 6 7 8 9 180 1 2 3 4 5 6 7 8 9 160

滅法咸皆體常此存生滅而計常也

△三依八識計常

三者是人窮盡六根末那執受心意識中本元由處性常恒故修習能知八萬劫中一切衆生循環不失本來常住窮不失性計以爲常

六根及末那執受卽八識也心意識中本元卽識性也八識元由惟佛與八地菩薩能窮若真能窮盡則入智境離心意識今此唯得心意識中本元由處謂其本性恒常衆生依之循環而住不曾散失此認識神而妄計也

△四依想滅計常

四者是人旣盡想元生理更無流止運轉生滅想心今已永滅理中自然成不生滅因心所度計以爲常想元想陰也生理行陰也妄謂流轉生滅皆屬想心今已永滅則不生滅理自然屬行不知行陰卽生滅元是起邪見而妄計也

△三結失

由此計常亾正徧知墮落外道惑菩提性是則名爲第二外道立圓常論

△三於自他計四顛倒三一總敘

又三摩中諸善男子堅凝正心魔不得便窮生類本觀彼幽清常擾動元於自他中起計度者是人墜入四顛倒見一分無常一分常論

於自他境妄起倒見其類有四各計一分無常一分有常

△二別明四一由自及他起分計

一者是人觀妙明心徧十方界湛然以爲究竟神我從是則計我徧十方凝明不動一切衆生於我心中自生自死則我心性名之爲常彼生滅者真無常性妙明圓湛離我所而外道於此妄立神我從是

計我徧凝不動而諸衆生於中生死遂計自爲常計他無常

△二離心觀土起分計

二者是人不觀其心徧觀十方恒沙國土見劫壞處名爲究竟無常種性劫不壞處名究竟常前依心觀此依土觀種種徧計一法旣邪萬法皆倒矣

△三別觀心精起分計

三者是人別觀我心精細微密猶如微塵流轉十方性無移改能令此身卽生卽滅其不壞性名我性常

一切死生從我流出名無常性
不能卽身卽心故作別觀微塵喻精微也謂由心
精密運令身生滅而心不壞滅前於一法作二計
此於一性作二計也

△四謬於四陰起分計

四者是人知想陰盡見行陰流行陰常流計爲常性
色受想等今已滅盡名爲無常
幻陰一體遷流一相而且執是迷非見今忘昔故
以流者爲常遷者爲滅

△三結失

由此許度一分無常一分常故墮落外道惑菩提性
是則名爲第三外道一分常論

今人以性爲眞以相爲幻於理則融於事則礙不
免墮此四種分計

△四於分位計四有邊三 一總敘

又三摩中諸善男子堅凝正心魔不得便窮生類本
觀彼幽清常擾動元於分位中生計度者是人墮入
四有邊論

分位有四謂三際分位見聞分位彼我分位生滅

△二別明四 一三際邊計

一者是人心計生元流用不息計過未者名爲有邊
計相續心名爲無邊

生元流用行陰也因遷流計三際以過者已滅來
者未見故名有邊現在相續故名無邊不知眞際
本非有邊非無邊也

△二見聞邊計

二者是人觀八萬劫則見衆生八萬劫前寂無聞見
無聞見處名爲無邊有衆生處名爲有邊
前以不見爲有邊此以無聞爲無邊乃回互倒計

也

△三彼我邊計

三者是人計我徧知得無邊性彼一切人現我知中
我曾不知彼之知性名彼不得無邊之心但有邊性
我知彼性乃是同體今曾不知是彼與我異則我
得無邊彼但有邊矣

△四生滅邊計

四者是人窮行陰空以其所見心路籌度一切衆生
一身之中計其咸皆半生半滅明其世界一切所有
一半有邊一半無邊

因窮行空昔有今無遂以一陰爲半生半滅而內根外器一切皆然以生爲有邊滅爲無邊

△三結失

由此計度有邊無邊墮落外道惑菩提性是則名爲第四外道立有邊論

諸皆窮道失趣展轉妄計所謂禪那狂解迷謬至此

△五於知見計四矯亂三一總敘

又三摩中諸善男子堅凝正心魔不得便窮生類本觀彼幽清常擾動元於知見中生計度者是人墜入

四種顛倒不死矯亂徧計虛論

以邪倒故於知見中狂解不決遂矯亂其語也婆沙論云外道計天常住名不死謂不矯亂得生彼天故有問者不敢實答恐成矯亂佛言此真矯亂也

△二別明四一觀化迷理矯亂

一者是人觀變化元見遷流處名之爲變見相續處名之爲恒見所見處名之爲生不見見處名之爲滅相續之因性不斷處名之爲增正相續中中所離處名之爲減各各生處名之爲有互互亾處名之爲無

170 1 2 3 4 5 6 7 8 9 160 1 2 3 4 5 6 7 8 9 160

理都觀用心別見有求法人來問其義答言我今亦生亦滅亦有亦無亦增亦減於一切時皆亂其語令彼前人遺失章句

此觀萬化見其不齊遂生異解用心別見卽異解也於是不能決擇矯亂其語

△二觀心執無矯亂

二者是人諦觀其心互互無處因無得證有人來問唯答一字但言其無除無之餘無所言說此觀妄心故見生滅互互無卽念念滅相也得證者悟一切法皆無也

△三觀心執有矯亂

三者是人諦觀其心各各有處因有得證有人來問唯答一字但言其是除是之餘無所言說

各各有卽念念生相也言無言是皆不明答

△四觀境亂心矯亂

四者是人有無俱見其境枝故其心亦亂有人來問答言亦有卽是亦無亦無之中不是亦有一切矯亂無容窮詰

△三結失

枝如樹枝差互不一

東京大学総合図書館所蔵

由此計度矯亂虛無墮落外道惑菩提性是則名爲第五外道四顛倒性不死矯亂徧計虛論今之邪人妄謂得道而中無主正矯惑於人者多類此四

△六於行相續計後有三 一總敘

又三摩中諸善男子堅凝正心魔不得便窮生類本觀彼幽清常擾動元於無盡流生計度者是人墜入死後有相發心顛倒

無盡流卽行相續相也以生滅滅生相繼不絕故知死後有相

△二別明二 一正計

或自固身云色是我或見我圓含遍國土云我有色或彼前緣隨我廻復云色屬我或復我依行中相續云我在色皆計度言死後有相如是循環有十六相心顛倒故固執色身以色是我又謂我體圓徧則色爲我有前緣卽目前之色也行相續相亦色也於色作此四計於受想行亦然故成十六相皆計死後復有也不計識陰者以幽祕未現故

△二旁計

從此或計畢竟煩惱畢竟菩提兩性並驅各不相觸

170 1 2 3 4 5 6 7 8 9 180 1 2 3 4 5 6 7 8 9 190

旁計有爲無爲諸法也畢竟並驅者計煩惱菩提不相凌滅皆後有也

△三結失

由此計度死後有故墮落外道惑苦提性是則名爲第六外道立五陰中死後有相心顛倒論

△七於諸陰滅計後無三具一總敘

又三摩中諸善男子堅凝正心魔不得便窮生類本觀彼幽清常擾動元於先除滅色受想中生計度者是人墜入死後無相發心顛倒

△二別明二 一正計

見其色滅形無所因觀其想滅心無所繫知其受滅無復連綴陰性消散縱有生理而無受想與草木同此質現前猶不可得死後云何更有諸相因之勘校死後相無如是循環有八無相

陰性消散謂色受想滅也生理卽行也謂無受想則行亦滅也此約四陰現前因亾未來果滅因果合論故成八相

△二旁計

從此或計涅槃因果一切皆空徒有名字究竟斷滅前旁計諸法後有此旁計諸法後無

△三結失

由此計度死後無故墮落外道惑菩提性是則名爲第七外道立五陰中死後無相心顛倒論

△八於存滅中計八俱非二 一總敘

又三摩中諸善男子堅疑正心魔不得便窮生類本觀彼幽清常擾動元於行存中兼受想滅雙計有無自體相破是人墜入死後俱非起顛倒論
行存則有相也受想滅卽無相也以前後相例則存者終無雖有非有滅者曾有雖無不無四陰雙計故成八非

△二別明二 一正計

色受想中見有非有行遷流內觀無不無如是循環窮盡陰界八俱非相隨得一緣皆言死後有相無相三陰爲滅相故見有非有遷流爲存相故觀無不無隨得一緣者於四陰隨舉皆生計執

△二旁計

又計諸行性遷訛故心發通悟有無俱非虛實失措諸行一切遷流法也因見行陰遷訛不定遂生邪悟謂一切法有無俱非不可定指

△三結失

由此計度死後俱非後際昏瞢無可道故墮落外道惑菩提性是則名爲第八外道立五陰中死後俱非心顛倒論

昏瞢無可道者不能明知死後之事也今人惑於俗論而疑死後有無者多矣皆八俱非類也

△九於後後無計七斷滅三 一總敘

又三摩中諸善男子堅凝正心魔不得便窮生類本觀彼幽清常擾動元於後後無生計度者是人墮入七斷滅論

見行陰念念滅處名後後無由是妄計設生人天

七處後皆斷滅

△二正計

或計身滅或欲盡滅或苦盡滅或極樂滅或極捨滅如是循環窮盡七際現前消滅滅已無復

身滅卽欲界人天二處也欲盡初禪也苦盡二禪也極樂三禪極捨四禪及無色也是名七際謂七際事相皆現前消滅更無復生終歸斷滅也

△三結失

由此計度死後斷滅墮落外道惑菩提性是則名爲第九外道立五陰中死後斷滅心顛倒論

△十於後後有計五涅槃三一總敘

又三摩中諸善男子堅凝正心魔不得便窮生類本觀彼幽清常擾動元於後後有生計度者是人墜入五涅槃論

見行滅復生名後後有妄於五處計涅槃果

△二正計

或以欲界爲正轉依觀見圓明生愛慕故或以初禪性無憂故或以二禪心無苦故或以三禪極悅隨故或以四禪苦樂二亾不受輪迴生滅性故迷有漏天作無爲解五處安隱爲勝淨依如是循環五處究竟

轉依者轉生死依涅槃也或於欲界悟圓明理遂

以欲界卽轉依處或以初禪離憂二禪離苦三禪極喜四禪極捨卽轉依處是謂五涅槃也迷有等者不知此天皆屬有漏非無爲果非究竟處也

△三結失

由此計度五現涅槃墮落外道惑苦菩提性是則名爲第十外道立五陰中五現涅槃心顛倒論

△三結勸深防

阿難如是十種禪那狂解皆是行陰用心交互故現斯悟衆生頑迷不自忖量逢此現前以迷爲解自言

登聖大妄語成墮無間獄

前云禪那現境乃天魔候得其便此云禪那狂解
乃心魔自起深孽凡見道不真多岐妄計皆卽狂
解是謂心魔最宜深防也

△四勅勸弘宣

汝等必須將如來語於我滅後傳示末法徧令衆生
覺了斯義無令心魔自起深孽保持覆護消息邪見
教其身心開覺真義於無上道不遭枝歧勿令心祈
得少爲足作大覺王清淨標指

令弘宣人將如來語徧爲群生保持覆護使魔不

侵孽不作不墮邪歧不取小證而直登覺位是謂
要作大覺王標指也然則楞嚴垂教待群生者甚厚
望行人者非輕吾徒宜勉旃

大佛頂如來密因修證了義諸菩薩萬行首楞嚴經
要解卷第十九

音切

殫

音燭

羊入

切

樞

昌朱

灣烏

關孽

魚列

綴陟衛

切

丹

切

金壇信女范氏

沈氏其施賁刻此

首楞嚴經要解第十九卷

甞禾沙彌道梅對

陝寧縣唐士登書

進賢洪以仁刻

萬曆甲午仲春

徑山興聖萬壽禪寺識

大佛頂如來密因修證了義諸菩薩萬行首楞嚴經
要解卷第二十

唐天竺沙門般刺蜜譯

烏菴國沙門彌伽釋迦譯語

菩薩戒弟子前正議大夫同中書門下平

章事清河房融筆受

溫陵開元蓮寺比丘戒環解

△五識陰五 初示陰相

阿難彼善男子修三摩地行陰盡者諸世間性幽清
擾動同分生機倏然隳裂沉細綱紐補特伽羅酬業

東方已有精色六根虛靜無復馳逸內內湛明入無所入深達十方十二種類受命元由觀由執元諸類不召於十方界已獲其同精色不沉發現幽祕此則名爲識陰區宇

通敘行滅識現也行爲世間遷流之體性擾動生機之綱紐補特酬業之深脉能隱晦性天馳逸六根汨擾內湛爲浮根塵究竟樞穴故行陰盡者生機綱紐倏然隳裂補特深脉感應懸絕而性天將大明悟六根無復馳逸以不馳逸故內內湛明以

無樞穴故入無所入反動而靜深之又深故曰內內也涅槃性天爲五陰所覆昏如長夜前三陰盡如雞初鳴雖爲曙兆猶沉二陰精色未分此行陰盡如雞後鳴唯餘一陰故將大明悟也受命元由識陰也以行滅識現故深達無樞穴故可觀無遷流故可執無生機故不召遂了十方依正皆識所變故已獲其同性天精色雖未明徹而幽祕之相已漸發現此識陰之相也

若於群召已獲同中消磨六門合開成就見聞通鄰互用清淨十方世界及與身心如吠瑠璃內外明徹

撰述

龍虎鬚絃男角卷二

遜一

名識陰盡是人則能超越命濁觀其所由因象虛無
顛倒妄想以爲其本

群召同中卽十二類之命元識陰也若於此中以定慧力消磨六門使根合而不分界開而不隔則見聞圓通六根互用由是外之世界內之身心無復留礙此識陰盡之相也性本一真由塵隔越性用之間同異失准名爲命濁爲識陰之體故識盡則超之識乃妄覺影明元無自體由顛倒起故名因象虛無顛倒妄想

△二明狂解十 一立真常因成外道

阿難當知是善男子窮諸行空於識還元已滅生滅而於寂滅精妙未圓能令已身根隔合開亦與十方諸類通覺覺知通濬能入圓元若於所歸立真常因生勝解者是人則墮因所因執娑毗迦羅所歸冥諦成其伴侶迷佛菩提亾失知見是名第一立所得心成所歸果違遠圓通背涅槃城生外道種識由行流故行空則還元既空行陰故已滅生滅尚依識元故寂滅未圓而能漸破識陰消磨六門故已六知根濬合無隔諸類覺性通融不二故能入圓元圓元卽融根隔通諸類之識元也若以此

爲真所歸地而立爲真因則墮因所因執益真因
非所有所皆妄娑毗外道認阿賴耶識未形之前
冥然初相爲所歸真因正同此也以心有所得果
有所歸卽因卽果皆墮所妄所以違圓通背涅槃
也今之行人於真性中輒起識心計因果生見解
有所得有所歸者皆則得於識元歸於冥諦而已

△二計我生彼成偏圓

阿難又善男子窮諸行空已滅生滅而於寂滅精妙
未圓若於所歸覽爲自體盡虛空界十二類內所有
衆生皆我身中一類流出生勝解者是人則墮能非

能執摩醯首羅現無邊身成其伴侶迷佛菩提以失
知見是名第二立能爲心成能事果違遠圓通背涅槃
生大慢天我徧圓種

執識元爲自體而謂一切衆生自此流出遂執我
能生彼而實不能故曰能非能執摩醯首羅卽色
頑魔王也妄計我能現起無邊衆生亦能非能類
也能爲心能事果者計我能爲彼依能成彼事也
大慢天卽摩醯也不能謂能故名大慢也徧圓者
計我體圓遍空界也

△三計彼生我成倒圓種

又善男子窮諸行空已滅生滅而於寂滅精妙未圓若於所歸有所歸依自疑身心從彼流出十方虛空咸其生起卽於都起所宣流地作真常身無生滅解在生滅中早計常住既惑不生亦迷生滅安住沉迷生勝解者是人則墮常非常執計自在天成其伴侶迷佛菩提亾失知見是名第三立因依心成妄計果違遠圓通背涅槃城生倒圓種

以識元爲所依故疑彼能生我及一切法遂計生起流出來處爲真常無生之體此則在生滅中妄計常住旣惑真不生性又迷現生滅法以非常爲

常故名常非常執也旣計彼能生我卽與計自在天能生一切者同矣由依識元妄計常住故曰立因依心成妄計果前計我圓生物此計彼圓生我故名倒圓

△四計物有情成倒知

又善男子窮諸行空已滅生滅而於寂滅精妙未圓若於所知知徧圓故因知立解十方草木皆稱有情與人無異草木爲人人死還成十方草樹無擇徧知生勝解者是人則墮知無知執婆吒霰尼執一切覺成其伴侶迷佛菩提亾失知見是名第四計圓知心

170 1 2 3 4 5 6 7 8 9 180 1 2 3 4 5 6 7 8 9 190

成虛謬果違遠圓通背涅槃城生倒知種
所知卽所觀識陰也謂識有知而一切法由知變
起因計知體圓遍諸法遂立異解謂無情徧皆有
知無所揀擇故曰無擇遍知此以無知爲知故名
知無知執婆吒霰尼二外道也執一切覺謂執一
切有知也此謬計圓知以爲因心則果終謬矣以
無知爲知是倒知也

△五崇水事火成顛化

又善男子窮諸行空已滅生滅而於寂滅精妙未圓
若於圓融根互用中已得隨順便於圓化一切發生

求火光明樂水清淨愛風周流觀塵成就各各崇事
以此群塵發作本因立常住解是人則墮生無生執
諸迦葉波并婆羅門勤心役身事火崇水求出生死
成其伴侶迷佛菩提亾失知見是名第五計着崇事
迷心從物立妄求因求妄冀果違遠圓通背涅槃城
生顛化種

識陰盡者消磨六門諸根互用今此未盡則纔得
隨順而已因隨圓互於是計一切法皆能圓化發
生勝果謂火能顯發光明乃至塵能成就器界遂
則邪求邪觀而勤心崇事執爲能生勝果而實不

能故名生無生執卽三迦葉諸外道之儔也卽迷
真心從物求冀則因果皆妄顛倒化理名顛化種
△六計求滅依成斷滅

又善男子窮諸行空已滅生滅而於寂滅精妙未圓
若於圓明計明中虛非滅群化以求滅依爲所歸依
生勝解者是人則墮歸無歸執無想天中諸舜若多
成其伴侶迷佛菩提亾失知見是名第六圓虛無心
成空亾果違遠圓通背涅槃城生斷滅種

觀理不諦誤墮虛無故於圓明性中計皆空虛於
是絕滅群化歸於求滅而不知其非名歸無歸執

舜若多此云空言無想舜若卽執斷空外道也以
執斷空故圓虛無爲因心成空亾之斷果求滅依
卽外道涅槃也

△七貪常固身成妄延

又善男子窮諸行空已滅生滅而於寂滅精妙未圓
若於圓常固身常住同於精圓長不傾逝生勝解者
是人則墮貪非貪執諸阿斯陀求長命者成其伴侶
迷佛菩提亾失知見是名第七執着命元立固妄因
趣長勞果違遠圓通背涅槃城生妄延種
依識陰觀圓常執識元爲圓精遂欲固保其身與

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

之並存妄貪堅久不知其非名貪非貪執阿斯陀此云無比卽長壽仙也彼雖延長終歸壞滅今此欲固妄身以求常住則空長勞耳妄延耳

△八留欲固命成天魔

又善男子窮諸行空已滅生滅而於寂滅精妙未圓觀命互通却留塵勞恐其消盡便於此際坐蓮花宮廣化七珍多增寶媛恣縱其心生勝解者是人則墮真無真執吒枳迦羅成其伴侶迷佛菩提亾失知見是名第八發邪思因立熾塵果違遠圓通背涅槃城生天魔種

以識陰爲命元而互通三際識陰若盡我命亦盡誰證真常故便於定中化諸欲境以留塵勞不令銷盡也依此邪思欲證真常而不知其非名真非真執吒枳迦羅能化欲境自娛卽欲頂自在天類也因其邪思感生天魔唯恣塵欲名熾塵果媛美女也

△九證滅自休成纏空

又善男子窮諸行空已滅生滅而於寂滅精妙未圓於命明中分別精麤疏決真僞因果相酬唯求感應皆清淨道所謂見苦斷集證滅修道居滅已休更不

前進生勝解者是人則墮定性聲聞諸無間僧增上慢者成其伴侶迷佛菩提亾失知見是名第九圓精應心成趣寂果違遠圓通背涅槃城生纏空種命明者因窮識陰深明衆生受命元由也以生滅由識精麤由業故依四諦分別決擇以苦集爲麤僞以滅道爲精真於是專修道因求感滅果以少爲足故居滅卽休斯特定性聲聞上慢之儔也此則圓精應爲因心成趣寂之小果精應者卽決擇麤業唯求精應證於偏真纏空趣寂而已

△十存覺立證成不化圓

又善男子窮諸行空已滅生滅而於寂滅精妙未圓若於圓融清淨覺明發研深妙卽立涅槃而不前進生勝解者是人則墮定性辟支諸緣獨倫不廻心者成其伴侶迷佛菩提亾失知見是名第十圓覺濬心成湛明果違遠圓通背涅槃城生覺圓明不化圓種融淨覺明卽識精也雖無惑習圓融清淨而未離於識故名覺明若以此爲深妙立爲果證則定性緣覺獨覺而已此則圓覺濬爲因心成湛明之滯果爾覺濬如心精通濬覺知通濬之濬謂僅與正覺通濬而不前進也湛明卽圓融覺明也所覺止

於圓明識精而定性不回故名覺圓明不化圓種
也上陳五十魔境皆是識情錯解邪悟未得正見
者擬心動念皆墮其中雖證緣覺辟支猶爲迷佛
菩提亾失知見所以覺皇苦口垂慈勦心辯析欲
人之不迷失不失也然則如之何而可得耶當於五
十位類審諦觀察覺已心念不墮其中斯得矣

△三結勸深防

將爲畢竟所歸寧地自言滿足無上菩提大妄語成
外道邪魔所感業終墮無間獄聲聞緣覺不成增進
窮道失趣故中途成狂轉遭枝歧曰因依迷惑所
愛先習卽邪傳謬解也祕爲真得遂卽休心將爲
畢竟所歸寧地適足自誤故邪魔依之終墮惡道
二乘依之不成增進最宜深防也

△四勅令弘宣

汝等存心秉如來道將此法門於我滅後傳示末世
普令衆生覺了斯義無令見魔自作沈孽保綏哀救
消息邪緣令其身心入佛知見從始成就不遭歧路

邪見錯解爲妖爲孽顛蹶身心謂之見魔心爲內
韁見宜外鍵故前防心魔此防見魔則助道之要
盡矣

△五勉令究竟

如是法門先過去世恒沙劫中微塵如來乘此心開
得無上道識陰若盡則汝現前諸根互用從互用中
能入菩薩金剛乾慧圓明精心於中發化如淨琉璃
內含寶月如是乃超十信十住十行十迴向四加行
心菩薩所行金剛十地等覺圓明入於如來妙莊嚴
海圓滿菩提歸無所得

先聖乘此心開得道後學固宜勉究也識盡則消
磨六門故諸根互用從互用中入金剛慧發圓明
心卽心開事也直超信等入如來海歸無所得卽
得道事也金剛乾慧爲等覺後心十信諸位爲進
修漸次此能直超不歷者諸位進修爲治惑習今
識盡無習故能超之等覺圓明歸無所得者自初
乾慧修至等覺未爲圓明猶有所得爲識未盡也
至獲金剛心破盡細識乃能圓明入妙覺海歸無
所得此真修之盡道也妙莊嚴海者統衆德合異
流不嚴而嚴無證而證之果海也前稱首楞萬行

爲妙莊嚴路則趨此而已

△三總結

此是過去先佛世尊奢摩他中毗婆舍那覺明分析
微細魔事魔境現前汝能諳識心垢洗除不落邪見
陰魔消滅天魔摧碎大力鬼神褫魄逃逝魑魅魍魎
無復出生直至菩提無諸少乏下劣增進於大涅槃
心不迷悶若諸末世愚鈍衆生未識禪那不知說法
樂修三昧汝恐同邪一心勸令持我佛頂陀羅尼呪
若未能誦寫於禪堂或帶身上一切諸魔所不能動
汝當恭欽十方如來究竟修進最後垂範

總結五陰辨魔之意使知深防也奢摩他中毗婆
舍那者卽定之慧也魔境皆因覺明而現所謂覺
明分柝卽分析覺明此西天文勢也褫猶喪也

△二請益詳盡二 初阿難請益

阿難卽從座起聞佛示誨頂禮欽奉憶持無失於大
衆中重復白佛如佛所言五陰相中五種虛妄爲本
想心我等平常未蒙如來微細開示又此五陰爲併
消除爲次第盡如是五重詣何爲界唯願如來發宣
大慈爲此大衆清明心目以爲末世一切衆生作將
來眼

△二佛與詳盡三 初總敘妄本

佛告阿難精真妙明本覺圓淨非留死生及諸塵垢乃至虛空皆因妄想之所生起斯元本覺妙明真精妄以發生諸器世間如演若多迷頭認影生死妄業塵垢妄緣真淨性中既無所留全因妄起猶如迷頭則五陰相中五妄爲本從可知也妄元無因於妄想中立因緣性迷因緣者稱爲自然彼虛空性猶實幻生因緣自然皆是衆生妄心計度阿難知妄所起說妄因緣若妄元無說妄因緣元無所有何況不知推自然者

明妄無因不容計度也知妄所起可說因緣不知所起因緣何有況推自然得非妄計耶

是故如來與汝發明五陰本因同是妄想

△二別答所問三 一答五陰妄本五

一色本堅固

汝體先因父母想生汝心非想則不能來想中傳命如我先言心想醉味口中涎生心想登高足心酸起懸崖不有酢物未來汝體必非虛妄通倫口水如何因談酢出是故當知汝現色身名爲堅固第一妄想想爲虛妄影像欲愛深脉遺體自想愛流出故曰

170 1 2 3 4 5 6 7 8 9 180 1 2 3 4 5 6 7 8 9 190

體因父母想生陰心乘想愛冥求故曰心於想中傳命酢梅等說以驗體因妄結故與妄理相應若非妄倫則妄不能感也體因想生心因想起命因想傳諸想交固以成色陰故名堅固妄想

△二受本虛明

卽此所說臨高想心能令汝形真受酸澀由因受生能動色體汝今現前順益違損二現驅馳名爲虛明第二妄想

臨高空想而酸澀真受違順皆妄而損益現馳則受陰無體虛有所明故名虛明妄想

△三想本融通

由汝念慮使汝色身身非念倫汝身何因隨念所使種種取像心生形取與念相應寤卽想心寐爲諸夢則汝想念搖動妄情名爲融通第三妄想

念慮虛情也色身實質也虛實不倫而能相使者由想而融也心生虛像形取實物心形異用而能相應者由想而通也至於寤寐搖變使心隨境使境隨心皆融通妄想也

△四行本幽隱

化理不住運運密移甲長髮生氣消容皺日夜相代

曾無覺悟阿難此若非汝云何體遷如必是真汝何無覺則汝諸行念念不停名爲幽隱第四妄想初標行陰幽隱之相阿難下牒辨虛妄之理而結成

△五識本固象

又汝精明湛不搖處名恒常者於身不出見聞覺知精湛不搖指識體也見聞覺知指識用也非真常而執常曰名恒常者

若實精真不容習妄何因汝等曾於昔年覩一奇物經歷年歲憶忘俱無於後忽然覆覩前異記憶宛然

曾不遺失則此精了湛不搖中念念受熏有何籌算阿難當知此湛非真如急流水望如恬靜流急不見非是無流若非想元寧受妄習非汝六根互用開合此之妄想無時得滅

精真不容妄習今能藏昔宛不遺失卽妄習也則湛雖不搖而念念受熏其容妄多矣當知湛非真湛特幽潛不覺耳故譬急流之水幽潛流注不可測知此真憶想之元容妄之體也直須破盡識陰消磨六門使妄習無寄然後可滅也
故汝現在見聞覺知中串習幾則湛了內固象虛無

170 1 2 3 4 5 6 7 8 9 10 1 2 3 4 5 6 7 8 9 10

第五顛倒微細精想

上皆標敘至此結顯也串常習也幾微也精明湛識爲六用常習之本故見覺幾微斯卽湛識因象潛於見覺之中故名中串習幾似無曰因似有曰象其體精微故名因象虛無顛倒精想

△二答五陰邊際

阿難是五受陰五妄想成汝今欲知因界淺深唯色與空是色邊際唯觸及離是受邊際唯記與忘是想邊際唯滅與生是行邊際湛入合湛歸識邊際五受陰亦曰五取蘊由一念迷妄受此取此以自

蔽藏也言因界者本無有界由妄相因也故色不白色因空有色故成色邊際乃至滅不自滅因生有滅故成行邊際識稱湛了而湛不自湛因行不流逸性入元澄而合乎湛了成識邊際

△三答陰滅次第

此五陰元重疊生起生因識有滅從色除理則頓悟乘悟併消事非頓除因次第盡我已示汝劫波巾結何所不明再此詢問

識譬則劫波巾也色譬則最後結也結依巾有故生因識起解因次第故滅從色除五陰生起從細

撰述

首林屋集卷之二

卷一

至麤由迷智有識乃至由受有色也滅則從麤至細必破色而後受現乃至破行而後識現也理則頓悟乘悟併消者知巾本無結亦不有也事非頓除因次第盡者中根頓悟必假漸修也若因悟忘修則有解無行執理迷事適墮偏邪終非正修真

△三結勸弘宣

汝應將此妄想根元心得開通傳示將來末法之中
諸修行者令識虛妄深厭自生知有涅槃不戀三界
令以此義自覺覺他永斷妄元齊歸正果也

△三流通分二 一顯勝勸持

阿難若復有人徧滿十方所有虛空盈滿七寶持以奉上微塵諸佛承事供養心無虛度於意云何是人以此施佛因緣得福多不阿難答言虛空無盡珍寶無邊昔有衆生施佛七錢捨身猶獲轉輪王位況復現前虛空旣窮佛土充徧皆施珍寶窮劫思議尚不能及是福云何更有邊際佛告阿難諸佛如來語無虛妄若復有人身具四重十波羅夷瞬息卽經此方他方阿鼻地獄乃至窮盡十方無間靡不經歷能以一念將此法門於末劫中開示未學是人罪障應念

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200

消滅變其所受地獄苦因成安樂國得福超越前之
施人百倍千倍千萬億倍如是乃至算數譬喻所不
能及

寶施有竭福止一身法施不窮利沾無際故不唯
獲福兼滅重罪波羅夷卽十重也以法示人能消
劇報變苦爲樂如此其勝者使人因之明心見性
脫粘復湛解六凪一破陰穢魔不歷僧祇成寶王
果故也彼旣如是則此消劇報猶淺近言耳誠將
與彼同證也

阿難若有衆生能誦此經能持此呪如我廣說窮劫
不盡依我教言如教行道直成菩提無復魔業
上勸流通此勸誦持

△二聽衆欣奉

佛說此經已比丘比丘尼優婆塞優婆夷一切世間
天人阿脩羅及諸他方菩薩二乘聖仙童子并初發
心大力鬼神皆大歡喜作禮而去

皆在會聽衆也聖仙童子卽天仙類也大力鬼神

諸護法者隨所證量皆得法喜也

大佛頂如來密因修證了義諸菩薩萬行首楞嚴經
要解卷第二十

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

首楞嚴經者乃釋迦如來之骨髓也其言曰當知虛空生汝心內猶如片雲點太清裏汝等一人發真歸源此十方空悉皆消殞又云無漏真淨云何是中更容他物若能轉物卽同如來陳隋間天台智者聞五印土有此經日夜焚香西向頂禮願早至中國續佛壽命開人天眼逮唐神龍初方達南海訓釋者數家唯長水子璿師疏及蘇臺元約師鈔盛行於世然文義浩博學者泛其波瀾益昧源本疲於披覽溫陵寶勝戒環禪師少達妙理深悟大乘而首楞嚴尤謂得意嘗欲誘中止之徒徑登寶所乃爲要解鉤深索隱